





原件短缺

P1

懷悲

和中道雨樹



荅永叔寄示

黃敏復尉新城

寄永叔

丞相二章

閔讒狡二章

薛八殿丞有遺

師厚來奠其姑

諭烏

弔裴易進士

閑詠呈次道

寄楚州呂濟叔

荅中道小疾見寄

五月五日

送可教僧歸成

和裴如晦雨中

雨中宿三君

和中道雨中見寄

目錄

目錄終

宛陵先生文集卷第二十四

郭之美忽過云往河北謁歐陽永叔沈子山
春風無行迹似與草木期高低新萌芽閉戶我未
知忽聞人扣門手把蟠桃枝問我此蟠桃緣何結
子遲但笑不復荅問者當自推振衣向河朔河朔
人偉竒以茲不荅意遲子北歸時

讀蟠桃詩寄子美永叔

韓孟於文詞兩雄力相當偶以怪自戲作詩驚
唐篇章綴談笑雷電擊幽荒衆鳥誰敢和
其凰孟窮苦纍纍韓富浩穰穰窮者咏其

爛文章發生一爲宮擊斂一爲商二律躡
奏乃鏘鏘天之產竒怪希世不可常寂寥
至寶埋無光郊死不爲島聖俞發其藏患世愈
出孤吟夜號霜霜寒入毛骨清響哀愈長玉山禾
難熟終歲苦飢腸我不能飽之更欲不自量引吭
和其音力盡猶勉強嗟我於韓徒足未及其牆而
子得孟骨英靈空北邙誠知非所敵但欲繼前芳
近者蟠桃詩有傳來北方發我衰病思藹如得春
陽欣然便欲和洗硯坐中堂筆墨不能下怳怳若
有亡老雞觜爪硬未易犯其場不戰輒自却雖奔

未甘降更欲呼子美子美隔濤江其人雖憔悴其
志獨昂昂氣力誠尚對勝敗可交相安得二子接
揮鋒兩交銜我亦願助勇鼓旗謀其旁快哉天子
樂一醕宜百觴乖離難會合此志何由償

孫司諫知鄧州

甫

南陽漢名都其俗尚敦樸亡徒頃爲盜刺史安與
角田野遂焦熬蒿萊思沃濯茲雖得甘露向已苦
風雹更張固所重下令未宜數且觀道傍碑
今已剝

史尉還烏程

宏

與君去年別君來竟悲喜乘馬夜訪君備
李五月辭吳中六月渡楊子七月行喪妻是
又死買棺無橐金助貸賴知己嬌兒晝夜啼幼女
飲食止行路况炎蒸悲哀滿心耳青銅不忍照憔悴鄰於鬼八月至都下少長疾未已一婢復嗑然
老媪幾不起君門日預朝僕乘貧可恥十月補王
畿受代隔歲紀閉門陋巷中悶默閱書史初聞君
至之如見湖山美今聞君復還爲我謝雲水故交
儻相問懷抱今如此豈乏南飛鴈豈無東下鯉自
同嵇康懶作書愁把紙

薛九宅觀鵬狐圖

蜀中處士李懷衮手畫皂鵬擒赤狐猛爪入頰紫
迸血短尾獨俛窮蹄鋪鵬爭怒力狐爭死二物形
意無纖殊一禽一獸固已別硬羽軟毛非筆模入
君此室見此圖如在原野從馳驅

寄汶上

大第未嘗身一至人猜巧宦我應非彈冠不讀先
賢傳說劍休更短後衣瘦馬青袍三十載故人朱
轂幾多違功名富貴無能取亂石清泉自憶歸

蕭著作宰豐城

王都二月花正開社雨作陰迎鷺子人先春
江南江南春色歸春水拍岸綠波生荻芽晨羞
可助甘旨縣涂為政子所諳不敢贈言言且鄙

董安負外之信州鈔山簿

古岸綠蒲老春帆逆水輕烹鮮聊以芼泝險復兼
程可用茲時樂無將遠道驚曾為江上客因贈北
行人

弟得臣殿丞簽判越州

前為山陰宰

再為會稽行聊問會稽羨禹穴遷所探秦望斯所
紀年深已浸深書碑必亡矣剡溪有樵風其事恐

非是買臣千載後得無負薪子黃庭昔換鵝道士
儻不死行當訪其真願以鷺報爾慎勿笑我癡萬
事難可擬摘筭復盈檐緡魚新出水此又食之珍
因書悉條理

李舍人淮南提刑

啄木欲除蠹蠹去樹亦撓何須食微蟲爾腹豈不
飽天下本無事自為庸人攪君實知古深終慙用
傾巧

吳殿丞代州通判

舉才不避勢必也知其長王官誠濟濟豈得

卷十四
彊代郡實雄要昔已選帥良功名乃欲取叱
太行

和人喜雨

仲冬至仲春陰隔久不雨耕農將失時萌穎未出
土帝心實焦勞日夜不安處禱祠煩駿奔肝饗香
無補帝時降金輿徧款靈真字百姓知帝勤變愁
爲鼓舞和氣能致祥是日雲蔽午夕風不鳴條甘
潤忽周普已見堯爲君安問誰爲輔

晉員外之復州景陵尉

城隅漢水闊正足槎頭鱖采荇蕪登俎施眾不貴

錢江帆風勢美竹屋雨聲連必有蒼苔碣留爲好
事傳

李審言歸鄭州

嘗從京索間躍馬望春山氣象歸王國丘陵接漢
關長榆啼鳥亂細草牧陂閑老馱行涂路因歌送
子還

李舍人見過

春泥無處所窮巷少人行忽枉青絲騎曾非白面
生笑言聊與適雞黍未嘗烹莫歎余貧甚吾儕業
本清

春鶻謡

春巢壘壘衆鳥哺兒衆鳥不出巢群雛嗷嗷腹甚
飢不出巢其謂何上有蒼鶻窺其窠問鶻何仇鶻
不我顧我巢有雛開口待哺一日不擊巢雛不食
爾憂爾雛衆鳥號呼又可吁

來夢

忽來夢我于水之左不語而坐忽來夢余于山之
隅不語而居水果水乎不見其逝山果山乎不見
其途爾果爾乎不見其徂覺而無物泣涕漣如是
歟非歟

汴之水三章送淮南提刑李舍人

汴之水分于河黃流濁濁激春波昨日初觀水東
下千人走喜兮萬人歌歌謂何大船來兮小船過
百貨將集王都那君則揚舲兮以紉刑科汴之水
入于泗黃流清淮爲一致上牽下櫓日夜來千人
同濟兮萬人利利何謂國之漕商之貨實所寄我
送行舟于水之次春風吹兩旗君作天王使畧客
自求魚清江莫相避

宋次道一百五日往鄭拜墓

去不避春雨泣望松栢門颯然風悲響如感泉下

魂沃醑向墳土空濕陳草根人歸夜月冷石馬在
九原

孫太祝亳州簽判

微風起船尾雨氣生日脚不愁春路泥正泛春波
樂順去疾鳥飛問程殊我度才名留守家更入尚
書幙

寄靈隱通教僧

奇山若洗青草木生石上根萌不可窮條蔓自增
王其陰有高僧日食惟一盞世人久已踈猿鳥應
相向

李少傅鄭圃佚老亭

莊生述天理老固當念佚舉世用自勞誰能以爲
必我公謝鼎司嗣子都華秩代言輟帝右作藩輔
王室承顏向茲地園宇樂永日佳樹發已繁脩竹
移未密春禽時弄吭清景付吟筆朱金待金構榮
美安與匹

令狐祕丞守彭州

前時草草別渺漫二十年從宦各所適非爲道路
偏今始一相遇言愧少壯前子有萬里翮尚不飛
雲煙而復走隴蜀欲以條教宣將西過危棧葉暗

聞杜鵑未知爲郡樂預已抱愁煎再來與子辭當
去復留連且念前期遠歲月實易遷

依韻和李舍人旅中寒食感事

一百五日風雨急斜飄細濕春郊衣梨花半殘意
思少客子漸老尋游非戢戢車徒九門盛寥寥煙
火萬家微今朝甘自居窮巷無限堵間得醉歸

依韻和張應之見贈

京洛多游好相與歲月深雖同執一籥吹曲各異
音自微衆音響安感萬物心我窮子來唁慷慨發
長吟

哭尹子漸

其弟師魯守潞

故人河內守昨日報已亡同氣泣上黨悲風生太
行曩爲衆所惜今復人共傷阮籍本真牽感槩壽
不長

次道約食後同敏叔中道平叔如晦詣景

德浴以風埃遂止

昔思春服成浴乎沂水上仲尼亦所志語此雖未
向子今當是時有意同我尚已邀二三友欲往期
畢餉倏然風滿途塵土阻清曠安得一振衣徒希
舞雩唱

陳經秘校之信州幙

東吳海物錯南楚江味多家吳而宦彼風土去幾
何既得風土樂可贊政治和歸來識香草爲綴楚
人歌

朱武太博通判常州兼寄胡武平

昔我陽夏公嘗茲同郡治政餘作東園草木尚有
意豈不務安養斯民歌樂易是時有賢才鄉舉堪
皇器今方居家廬試質當時事願君思前人文雅
庶未墜

師厚云蟲古未有詩邀予賦之

貧衣弊易垢易垢少虱難群處裳帶中旅升裘領
端藏跡詎可索食血以自安人世猶俯仰爾生何
足觀

依韻和中道寶相花

嘉卉得所託植君之寢陽開榮同此春淡艷自生
光不爲露益色不爲風盡香節換葉已密尚可見
餘芳

擬陶體三首手問足

共生一體中出處常相并所動輒有跡何不擇地
行履鳥雖可蔽步武豈無聲嘗思汝爲玉請別見

直誠

足荅手

上下各有分同質實異支要用固爾先當念扶我
危我則爾獨安何以幸華夷且願縮袖間操執自
有時

目釋

我居元首間分並日月光左右各照耀盲一豈相
妨尚恐有所醫獨見不能強嗟爾手與足何爲欲
競傷捉馳自有職勿使心悲涼

贈葉山人

傾珍奉賓客傲物去珥貂貴來不以屈飲酒且道
遙黃金百鎰盡左右無纖腰但存丹砂術有道在
一瓢

李廷臣通判蔡州

夾路青青草隨君去未休亦將離思遠還共翠心
抽細藉車輪穩薰牽野蔓柔王孫歸不久冉冉莫
經秋

朱櫻

明珠摘木末紅露貯金盤始見侍臣賜已爲黃雀
殘味兼羊酪美食厭楚梅酸苑囿東周盛纍纍暎

葉丹

悼子小名十十

舟行次符離我子死阿十臨之但驚迷至傷反無
泣欵定始懷念內若湯火集前時喪爾母追恨尚
無及邇來朝哭妻淚落襟袖濕又復夜哭子痛併
肝腸入吾將仰問天此理豈所執我惟兩男子奪
一何太急春鳥獨蔓延哺巢首戢戢

懷悲

自爾歸我家未嘗厭貧窶夜縫每至子朝飯輒過
午十日九食盡一日儻有脯東西十八年相與同

甘苦本期百歲恩豈料一夕去尚念臨終時拊我
不能語此身今雖存竟當共爲土

和中道雨樹

一旬苟不雨萬木昏蒼蒼朝見洗林葉動搖生輝
光晚逢開踈陰枝上漏微陽翠色固以好安得無
秋霜

求叔寄詩八首并祭子漸文一首因采八
詩之意警以爲答

昔聞退之與東野相與結交賤微時孟不改貧韓
漸貴二人情契都不移韓無驕矜孟無覲直以道

義爲已知我今與子亦似此子亦不愧前人爲北
都健兒昨日至扣門乃得所遺詩上言病中初有
寄下言我詠蟠桃枝盛衰開落感殘杏暮春無事
羨游絲班班鳩鳴忽懷念一掃十幅無閑辭洛川
花園多品日闕新爭巧始可疑讀書又憶石夫子
似蠶作蟹誠有之鎮陽歸夢北潭北吟此八章誰
謂癡最後有文弔尹子壽夭難問信所悲共書大
軸許傳玩一日百展曾忘疲報君亦欲齎滿軸恐
費紙墨令人嗤

黃敏復尉新城

新城接桐廬山名人所利江東亡命兒販不畏黥
剗堂上千金子捕以操凶器恐非吾徒爲勇少乃
可避

寄永叔

夏日永以靜渴鳥方在枝張口不能言翕翕兩翅
披庭中有井泉井深無綆縻欲汲假其鄰鄰且非
我知鴻鷗矯河上比爾得所宜得宜豈不樂胡然
我念之

丞相二章

丞相之拜冠弁旅至乘馬載驅如彼鉅渚有鴈有

卷二十四
鷺有龜有魚丞然來萃翔沫嘯呼
丞相之去乃還印綬乃飭車輪如彼涸津時靡翔
羽時靡游鱗寂兮寂兮豈有嘉賓

閔讒狡二章

矯有讒狡讒以戕類狡以媚其貴謂不騫不墜謂
人莫爾制而死制之誰謂無鬼孰制之死彼狡之
將死若有以見既見既惡之引袂蒙面謂人莫爾
辨而自辨之誰謂無鬼孰俾之謹

薛八殿丞有遺

未嘗營貨貝貨貝寧為來俸苦月不足貧死口肯

開好事忽我恤十千助晨杯薪水已過豐不得如
顏回

師厚與胥氏婦來奠其姑

雙裾來此室慟哭拜靈床魂衣想髮髻薄酒湛其
觴含悽拊孤稚拭淚問平常我生都無如仰看燕
在梁

諭烏

百鳥共戴鳳惟欲鳳德昌願鳳得其輔咨爾孰可
當百鳥告爾間惟烏最靈長乃呼烏與鵲將政庶
鳥康烏時來佐鳳署置且非良咸用所附已欲同

助翱翔以鷺代鴻鴈傳書識暄涼鸚鵡代鸚鵡
舌說語詳禿鶴代老鶴乘軒事昂藏野鶉代雄鷄
爪觜稱擅場雀豹代鷓鴣搏擊肅秋霜蝙蝠嘗入
幙捕蚊夜何忙老鴟啄臭腐盤飛使游揚鶴鷗與
梟鴟待以爲非常一朝百鳥馱諛鳥出遠方烏伎
亦止此不敢戀鳳傍養子頗似父又貪噪豺狼爲
鳥鳥不伏獸肯爲爾戕莫如且斂翮休用苦不量
吉凶豈自了人事亦交相

弔裴易進士

力學未及仕口中已含珠賦命固所負讀書非所

辜斂送有兄弟哭泣無妻孥惟此靡薄厚必竟同

一途

閑諫寄呈次道

我閑日貧縛子閑數疾纏閑固不可常吾觀與子
然吾與子嗜學豈獨閑窮年安安者誰歟分亦似
所偏

寄楚州呂濟叔

亭午鳥不下誰復過我廬忽聞扣門者偶出問何
如云是山陽吏太守遣置書自惟久窮困游子安
念予淮陰況要津賓館無暫虛豈意有所逮委曲

情未踈報言愧不覩聊以謝興居

荅中道小疾見寄

嵇康性彌懶曾不廢養生子姑當妙年何乃勞其
精老耽有至論身孰親於名詩本道情性不須大
厥聲方聞理平淡昏曉在淵明寢欲來於夢食欲
來於羹淵明儻有靈爲子氣不平其人實傲佚不
喜子纏紫吾今敢告子幸願少適情時能與子飲
莫惜倒餅罌

五月五日

屈氏已沉死楚人哀不容何嘗奈詭謗徒欲却蛟

龍未泯生前恨而追沒後蹤沅湘碧潭水應自照
千峰

送可教僧歸越

萬事默尋常羨慕每不足居南多北思在遠慙近
俗旣來橘變枳但見空條綠氣味誰復論孤根逗

崑曲

和裴如晦雨中過其亡兄易居

人亡兩館寂車馬偶來臨濕衣添新淚故物傷夙
心淒淒庭下樹萬葉起哀音此地嘗對語在昔豈
知今

雨宿謝胥裴三君書堂

急雨射窓鳴燈殘我正寢穴蚓聲苦長流響入孤
枕衆醉如不聞強聒亦已甚夜短竟無寢困瞳劇
塵礫

和中道雨中見寄

雨淫上復落雲暗不少開泥將沒馬脰思子日幾
迴我既不可往子亦不可來屋漏又苦甚巾烏生
莓苔安肯問農畝唯憂無酒材但能置醇酎莫負
吾樽壘

宛陵先生文集卷第二十四

宛陵先生文集目錄卷第二十五

送謝寺丞及第

苦熱

和廷老三月十四日

劉薛二君過予

荅宗說遺冰

劉殿丞通判建州

和中道伏日

和蔡仲謀苦熱

儼上人粹隱堂

送鄭都監瀛州

送刁安豐

劉八飲將散

贈張處士

將行與仲謀

荅裴送序意

和應之晚景

送楊秘丞入蜀

乙酉六月二十一日

聞永叔喪女

寄謝開封薛宰

草木

夢登河漢

寄宋次道中道

日蝕

寄王江州

薛九請賦山水字詩

七夕有感

過開封古城

通判桃花廳

許州起慶曆五年秋六年夏

任廷評歸京

和通判雞冠花

秋夜感懷

和通判招翫月

蚯蚓

秋風

韓寺丞通判鄧州

韓欽聖問西洛牡丹

夢感

秋鴈

和通判有寄

曹承制知永康軍

三鳥

龍箕

目錄終

宛陵先生文集卷第二十五

送謝寺丞新賜及第赴扶溝宰

世所重登科如君特才選麗賦驚宗工妙譽動京
輦行鷁路非遐雙旗風欲展聊閱民版餘應不負
墳典

和李廷老三月十四日

三月日幾望士游溱水陽溱流已渙渙有美此朝
翔偶來適此願月色同滿床士曰陟少室女曰歸
大梁及晨各異役悲喜竟回腸芍藥有遺風贈好
期不忘固匪子能逮是焉繼新章

苦熱

赤日若射火林風不動梢羸汗尚流沛冠服豈堪
包貴人諒有稟慣習非強教竊觀行車馬空蕩劇
煨炮寧思山中人石泉浸雨散

劉薛二君過予遇雨

猛雨迫好鳥止我屋室隅是時有劉薛亦既此焉
俱我厩秣爾馬我厨飯爾奴二人乃可語因觀爾
馬圖古筆得神妙俗工非所模收圖兩且止鳥飛
當駕驅

答廷評宗說遺冰

仲夏邁餘閨屋室如炊蒸孰云窮處者言贈太官
冰時靡有暍死實亦賴友朋定能涼一席既已却
青蠅吾心久自信飲已不以矜

劉牧殿丞通判建州

平生交游少海內寡與期識君且恨晚一見已將
離人言何嗟別會此非舊知昔曰匪我舊亦既接
音詞譬彼空林鳥止息偶同枝忽有振翮去尚爾
鳴聲悲我今臨流送安顧俗所爲

和中道伏日次韻

伏日每苦熱古來亡事侵嘗聞東方朔割肉趨庭

陰百戰當早罷將畏赫日臨我無歸遺人懷念空
露襟

和蔡仲謀苦熱

大熱曝萬物萬物不可逃燥者欲出火液者欲流
膏飛鳥獸其羽走獸獸其毛人亦畏絺綌况乃服
冠袍廣廈雖云託呼風不動毫未知林泉間何以
異我曹蠅蚊更晝夜膚體困爬搔四序苟迭代會
有秋氣高

儼上人粹隱堂

十年不出戶世事皆剗鋤時無車馬游焚香坐讀

書有堂曰粹隱惟見安且舒心遠迹非遠歲月速
輪輿寓目暫爲實過者即爲虛譬言若開是室終日
於此居欲問昨日事已覺今日踈明朝却視今復
與前何如聊悟此中樂猶觀濠上魚

送鄭太保瀛州都監

秋氣入關河匈奴久已和琯弓聊可試寶劍不須
磨草木將搖落牛羊自寢訛能知塞垣景持以贈
吾歌

送刁安豐

嘗游芍陂上頗見楚人爲水有鳥魚羨土多薑芋

宜寧無董生孝將奉叔教祠舊令乃吾友寄聲於
此時

劉八飲將散分得非休沐不得會晦日五月
君非休沐時茲會豈能得我無官局縈幸爾預歡
適莫辭衝雨歸歸時烏帽側

贈張處士

聞爾閑於琴寢處未嘗輟抱之京城來豈與工師
列一奏流水聲落指鳴泱泱既日林壑人安事塵
土轍

將行與蔡仲謀飲分席上果得桃

曾無千歲人安見千歲實聊效昔所投瓊瑤報非

直隸下答裴送序意

我欲之許子有贈為我為學勿所偏誠知子心苦
愛我欲我文字無不全居常見我足吟詠乃以述
作為不然始曰子知今則否固亦未能無諭焉我
於詩言豈徒爾因事激風成小篇辭雖淺陋頗尅
苦未到二雅未忍捐安取唐季二三子區區物象
磨窮年苦古著書豈無意貧希祿廩塵俗牽書辭
辯說多碌碌吾敢虛語同後先唯當稍稍緝銘誌
願以直法書諸賢恐子未諭我此意把筆慨嘆臨

長川

和張士曹應之晚景

遠空雲解駁南陌雨初收
獨鳥去煙外斜陽明樹
頭涼颼虛枕席漲滂起河洲
會有從軍役將離更

暮愁

送楊浩秘丞入蜀

有才不得試志亦無所干
有母不得養法當之遠
官雖曰在民政孝心寧得安
志願且未遂而趨蜀
道難行思此馭者勿復苦長歎

乙酉六月二十一日予應辟許昌京師內外

之親則有刁氏昆弟蔡氏子予之二季友
人則胥平叔宋中道裴如晦各携肴酒送
我于王氏之園盡懽而去明日予作詩以

寄焉

性僻交游寡所從天下才今朝誰出祖親戚持樽
壘晚節相知人唯有胥宋裴所欠謝夫子歸穰尚
未迴岸傍逢名園繫舟共徘徊嘉蓮如笑迎照水
呈丹顛南庭葡萄架萬乳纍纍將礎群卉競瑣細紫
紅相低偃尋常固邂逅孰辨落與開酒闌各分散
白日將西頽城隅遂有隔北首望吹臺

開封古城阻淺聞永叔喪女

去年我喪子與妻君聞我悲嘗俛眉今年我聞若
喪女野岸孤坐還增思思君平昔憐此女戲弄膝
下無不宜昨來稍長應惠黠想能學母粉黛施幾
多恩愛付涕淚洒作秋雨隨風吹風吹北來露我
袂哀樂相恤唯已知自古壽夭不可詰天高杳杳
誰主之以道爲任自可遣目前況有寧馨兒

寄謝開封宰薛贊善

予生多不偶事事相與背適從平川役乃遇河決
潰舟膠在中野寸步使心痲誰知赤縣尹勤恤每

外內文符飭序長寇盜虞鼠輩仍能饋餅餌童稚
仰所賚今又置酒壺惠問亦已再令我清夜飲是
夕值月晦獨酌効謫仙而復無影對如何亡情游
似亦有世態家人誠可同況我昨喪配雖曰預朝
裾左右無粉黛兀然唯書史舊學猷瑣碎欲探文
字立下筆語多礙却思君西齋新治虛可愛燕坐
禽鳥寂吟哦簿書退此樂吾未如區區勞覆載

草木

草木無處所動搖知風形今日萬葉黃昨日萬葉
青青旣漸衰變黃亦漸凋零人生恃歲月種栢滿

郊垌

草木無夢登河漢六月二十九日

夜夢上河漢星辰布其傍位次稍能辯羅列爭光
芒自箕歷牛女與斗直相當既悟到上天百事應
可詳其中有神窟張目如電光玄衣乘蒼虬身珮
水玉璫丘蛇與宮鼈盤結爲紀綱我心恐且怪再
拜忽禍殃臣實居下土不意涉此方既得接威靈
敢問固不量有牛豈不力何憚使服箱有女豈不
工何憚縫衣裳有斗豈不柄何憚挹酒漿卷舌不
得言安用施穹蒼若何彼東方箕有惡務簸揚唯識

此五者願言無我忘神官呼我前告我無不臧上
天非汝知何苦詰其常豈惜盡告汝於汝恐不祥
至如人間疑汝敢問於王扣頭謝神官臣言大爲
狂駭汗忽爾覺殘燈熒空堂

寄宋次道中道

再來魏闕下舊友無一人或爲美官去或爲泉下
塵晚歲相知者操節許松筠日世常山公伯仲文
學均與我數還往以義爲比隣屢假篋中書校證
多護員次述盈百卷補亡如繼秦中作淵明詩平
淡可擬倫于時多驕佚黃卷罕所親昨以興西師

往往劍射伸短衣誇走馬睥目語常賔欲効西山
勇遂笑東魯仁捨本趨富貴乃與市賈濱以此較
於子素業固未泯前日之許昌別君已經旬偶然
值河決窮坐如涸鱗臨風思有寄夜詠還達晨

日蝕

赫赫初出咸池中浴光洗跡生天東不覺有物來
晦昧團團一片如頑銅前時蝦蟇食爾妃天下戢
戢無有忠責罵四方誰膽大仰頭憤憤唯盧仝欲
持寸刃去其害氣力雖有天難通是時了無毫芒
益徒有文字辯且雄仝死于今百餘載日月幾度

遭遮蒙有人見之如不見誰肯開口咨天公老鴉
居處已自穩三足鼎峙何乖慵而今有嘴不能噪
而今有爪不能攻任看怪物瞖天眼方且省事保
爾躬日月與物固無惡應由此鳥招禍凶吾意髣
髴料此鳥定亦閃避離日宮安逢后羿不乖暴直
與審愨彎弓射此賈怨鳥以謝毒惡蟲二曜各
安次災害無由逢南不尤赤鳥東不誚蒼龍北龜
勿吐氣西虎勿嘯風五行不汨陳虞舜生重瞳我
今作此詩可與仝比功

寄王江州

休嗟謫官去山根勝窮邊當職言無隱他時事好
還何常聞埃火唯是對爐煙潮到盆城否猶期信
可傳

薛九公期請賦山水字詩

薛君堂懸山水字請我試作山水詩呼童磨墨慰
君意強作安得有好辭昔年曾是杜陵客東城水
上橫此碑字方數尺形勢健豈似取次筆畫爲東
城父老語於我推本朔自開元時不知當時何所
用費功鏡刻爲瓌竒我去長安十載後此石誰輦
來京師苑中構殿激流水暮春脩禊浮酒卮是時
祠臣出不意酒半使賦或氣萎日斜鳴蹕不可駐
未就引去如鞭笞脫我幸得預此列玉階立寫從
然冀今雖下筆不稱意已書滿幅令君嗤

七夕有感

去年此夕肝腸絕歲月淒涼百事非一逝九泉無
處問又看牛女渡河歸

過開封古城

荒城臨殘日雞犬三四家豈復古阡陌但問新桑
麻頽垣下多穴所窟狐與蛇漢兵墮銅鏃青血爲
土花

通判桃花廳自此詩許州起慶曆五年秋盡六年夏

種桃西庭下有意延東風東風與雨至
染出枝上紅花底有小鳥其字曰桃蟲
既於桃得名為桃言女工翦羅作舞衣
奉君歡莫窮舉杯無愧者避世

武陵翁

任廷平歸京并序

廷平任君往者登進士科入許幙後二年予被太原公辟與君為代君之嚴君以太子少保致仕西都西都去許其道有三北趨鄭過函谷而至洛陽其途而遠西趨汝由關塞而河南其途小艱然適

於北道西北趨登封歷轅而至洛師其途險惡不與二道比君之歸也捨二道之平易踐西北之險惡何哉是非急於拜慶耶豈特與人情異歟噫人以為險在君為易由出於天誠不為難也出天誠易險道可謂孝也平及其行予故作詩以送之

言之少室西定陟輟輟險歸心不避危夕枕屢成
屬鬼秋聲故苑空野氣荒陵掩獨念京洛塵曾將客
衣染

和通判太博雞冠花十韻

神農記百卉五色異甘酸乃有秋花實全如雞幘

丹籠煙何聳聳，法露更團團。取譬可無意，得名殊足觀。逼真歸造化，任巧即彫剜。赤玉書留魏，丹砂句誦韓。魏文帝與鍾繇求玉訣書論玉云赤如雞冠韓文公闕雞聯句云頭垂碎丹砂誠能因物比，誰謂一時難。有客驅辭穎，臨風運筆端。嘗嗟古吟缺，每惜此芳殘。揣情苦精妙，繼音慙未安。

秋夜感懷

風葉相追逐，庭響如人行。獨宿不成寐，起坐心屏營。哀哉齊體人，魂氣今何征。曾不苦墮籜，繞樹猶有聲。涕淚不能止，月落雞號鳴。

依韻和通判八月十五夜招翫月二章

尋常圓魄豈不好，競愛今宵分外明。明明極只知無隔礙，誰言桂樹向中生。一年一見最堪惜，百歲百夕能幾多。縱有明年似今夕，明年同會復如何。

蚯蚓

蚯蚓在泥穴，出縮常似盈。龍蟠亦以蟠，龍鳴亦以鳴。自謂與龍比，恨不頭角生。螻蝻似相助，草根無停聲。聒亂我不寐，每夕但欲明。天地且容畜，憎惡唯人情。

秋風

秋風不饒物斗至聲已惡青林葉尚繁雖好將恐
落人意誠愛惜節候肯相若白髮無再玄盛衰茲
可度

韓宗彥寺丞通判鄧州

往歲陪祠泰壇下始一相見如相知我今入幙君
有待喜得款語勝前時便嗟陳事日侵汨雖欲數
面曾無期忽聞兵吏已迎候馬有行色車將脂賀
君有意事清簡太守亦鄙尋常爲騏驥步驟豈局
促鳳皇羽翼多威儀漢家近親不復有召父舊聞
於今隳隳由狂者生利害曾未略究民間宜祇言
引水幸圭賦矯請罷毀功何施千載厚惠一日去
至今農畝空嗟咨夫子才高識且遠勿畏勢力重
扶持他年人作去思頌願以大字書長碑

韓欽聖問西洛牡丹之感

韓君問我洛陽花爭新較舊無窮已今年誇好方
絕倫明年更好還相比君疑造化特着意果乃區
區可羞恥嘗聞都邑有勝意既不鍾人必鍾此由
是其中立品名紅紫葉繁矜色美萌芽始見長蒿
萊氣焰旋看豎桃李乃知得地偶增異遂出群葩
號奇偉亦如廣陵多芍藥閭井荒殘無可齒淮山

選秀付草樹不產髦英產佳卉人於天地亦一物
回與萬類同生死天意無私任自然損益推遷寧
有彼彼盛此衰皆一時豈關覆燾爲偏委呼兒持
紙書此說爲我緘之報韓子

夢感

生哀百十載死苦千萬春何爲千萬春厚地不復
晨我非忘情者夢故不夢新宛若昔之日言語尋
常親及寤動悲腸痛逆如刮鱗

秋鴈

秋鴈多夜飛前群後孤來儔合鳴自得隻去音已

哀哀音能感人腸酸非食梅共將形影對安得不
早衰

依韻和通判把菊有寄

湖邊草樹多盡蠹葉已少色唯菊不畏霜淡艷如有
德自與蘭並生非因人所植愛貴曾未厭秋日短
苦逼朋好各相望採持空嘆息臨杯不能飲對案
不能食借問君何憂節物感人極

曹承制知永康軍脩

鐵驄黃金羈年少蜀城守蜀城臨古江正在離岸
口離岸李涼鑿其利實不久既避沫水害又以漑

田畝大此百民宜遺祠奉牲酒行當謹厥事無乃
為政首

三鳥

翩翩三奇鳥各擇松桂宜二鳥同所向並立高高
枝一鳥依別樹屈比二鳥卑嗟嗟天下鳥莫與三
鳥期三鳥鳴少和蒿間多鶯斯頻頻徒爾黨三鳥
安可欺

龍箕一首

并序

在昔賢人良輔之生也或山之神靈和氣之鄰或
星之晷曜晶明之所鍾故詩有嵩高之作稱厥甫

申傳說騎箕之說又得之前古公之誕日考之星
歷月次于箕宜與說同也夫登翊王室為宋鉅臣
豈徒然與謹依雅頌作龍箕一章十八句以獻

龍箕在天莫不孕靈我公生之既生既德曾誰與京
爰弼帝右繼序其榮之贊我太平萬事其成之殿
我輔邦庶民其寧之政靡薄厚百職其揚之且言
顯光求錫乎后王迺祝眉壽迺獻兕觥福祿其將之

宛陵先生文集卷之五

宛陵先生文集卷之五

宛陵先生文集卷之五

宛陵先生文集卷之五

宛陵先生文集卷之五

宛陵先生文集卷之五

宛陵先生文集卷之五

宛陵先生文集卷之五

宛陵先生文集卷之五

宛陵先生文集卷之五

宛陵先生文集目錄卷第二十六

李廷老見訪

墨竹

汪寧李諫議

寄永叔

送胥裴二子迴

憶桐城山行

和平叔道傍竹

答裴如晦

夜酌趙侯家

暮雪

西湖對雪

和資政侍郎雪後

王龍圖知江陵

和通判雪後招飲

和資政登看山亭

雪中通判家飲迴

雪後西湖宴集

答王德言遺柑

劉運使因按拜省 荅通判

元日 通判遺新柳

送孫曼卿鑲應 和劉察院送客迴

不知夢 郊城道中

汝州後池聽水 春鳩

留別汝州王待制 夢覺

汝州 逢牧

寄滁州歐陽永叔 衛州倅趙中舍

王侍郎命賦梅花 荅永叔寄篆字

和荅范天民 樊推官勸予止酒

和通判雨中 荅水立

和永叔琅琊六詠

目錄終

宛陵先生文集卷第二十六

李廷老自蔡州見訪云明日便歸鄭

故人夜相過秉燭為開席車馬立在門樽酒豈暇
索臚臚別後言忽忽恨將適既去暝色合不可見
行跡

墨竹

許有盧娘能畫竹重抹細拖神且速如將石上蕭
蕭枝生向筆間天意足戰葉斜尖點映間透勢虛
粘斷還續粉節中心豈可知淡墨分明在君目

江寧李諫議

滄江石頭下
汙汙瀉天東
寒潮日夕至
不與廢興
同
陛下始封地
氣象常鬱鬱
葱蔥六代有
舊跡
物景付
與公切莫負
山水可追王謝風

方在許昌幕內弟滁州謝判官有書邀余
詩送近聞歐陽永叔移守此郡爲我寄聲
也

從事滁陽去
寄音苦求詩
吾詩固少愛
唯爾太守
知不敢輒所
拒勉勉作此
辭
山城本寂寞
物色同
淮夷淮俗舊
輕僇未識遠
博宜無將麟
在郊便欲
等文狸爾去
事太守當矯
庸庸爲伊人
道義富嘗
立天子墀我
輩在蟻垤難
謂太華卑又
若游蹄涔
安見滄海涯
况於爾實親
告爾爾勿疑

送胥裴二子迴馬上作

陰陰雪雲低
游子去將懶
豈唯遊子倦
疲馬行亦
歎送罷我獨
還迴看鴈爲
伴念此日暮
時寂寞閉
竹館

初冬夜坐憶桐城山行

我昔吏桐鄉
窮山使屢躡
路險獨後來
心危常自
怯下顧雲容
容容前溪未
可涉半崖風
颭然驚鳥爭
隨葉修蔓不
知名丹竇坊
在茨林端野
鼠飛綠挽

卷二十六
一何捷馬行聞虎氣豎耳鼻息歛遂投山家宿駭
汗衣尚浹歸來撫童僕前事語妻妾吾妻常有言
良力士時業安慕終日聞咲媚看婦靨自是甘勞
力于今無所懾老大官雖暇失偶浹滿睫書之空
自知城上鼓三疊

和平叔道傍竹

野田有脩竹叢踈飽於霜下上之佳禽左右雜枯
桑豈無行路子行路馱榛荒忽見此翠色徘徊未
能忘車馬去何疾迴顧隔山崗

荅裴如晦

懷我歌我辭乃知行子倦音雖彼妙發想若此可
見歌竟夜燈青野窻鳴濕霰髮髣髴聞孤鴻飛急應
有羨

夜酌趙侯家聞合流曹光道詣府遂訪之
一夕縱談明日光道赴本任邀余詩送因
叙其言以贈焉

方與舊將飲談兵燈燭前聞有故交至心喜輒論
邊跨馬踏明月往見竟留連且共語出處子懷予
久然男兒太平時功業未可先故當守詩書道義
躋古賢苟復不得用卷以放林泉吾蘊誠若此奈

何貧所纏仕宦偶同郡文字可以傳行行志茲語
聊用樂永年

暮雪

暮雪止復落暗積如避人平明視庭中物物各已
新草木一變妍枯槁忘其真隨風來無迹高下得
以均采薇歌卒章霏霏霑軍輪今豈無是作勞苦
不足陳

西湖對雪

獨玩湖中雪移舟水凍灣寒塘起孤鴈危樹失前
山著物偏能積衝風不礙還無慙子猷興都盡剡

溪間

依韻和資政侍郎雪後書事

風旗冷落偏欺酒衆樹芳菲欲並梅人意不知南
畝望只驚鴻鴈向川來

王龍圖知江陵

捧詔出荊州天心寄遠憂行車踐殘雪寒色犯輕
裘祖鞍山川闊歌驪道路愁吏迎多越乘兵衛粲
吳鉤地與蠻溪接江通溪水流風宜橘林賦俗尚
竹枝謳樽俎思疇日煙雲感舊游終當勞侍從寧
久渚官留

依韻和通判太博雪後招飲一首

雪晴何所樂樂趣在杯中况復君家美雕盤膾縷

紅

邀飲奏醴醪案杯烹蟹螯吾非獨醒者莫誦楚人

騷

依韻和資政侍郎雪後登看山亭

湖上晴煙凍未收湖中佳景可遲留更臨危樹看
群岫雪色嵐光向酒浮

雪中通判家飲迴時一卒彈胡琴

朔風聲滿枯桑枝陰雲不定蛟龍歸凍禽聚立高

樹時密雪萬里增寒威訪君留連舉酒卮胡琴奏
罷歡已微小駒跨去沒四蹄飄花凌亂霑人衣醉
目遠望天地迷何暇更問孤鴻飛茅屋豈無單且
飢平明共賀麥壠肥

雪後資政侍郎西湖宴集偶書

潭心不凍處鴈鷺自相依積雪正無際因風忽起
飛初驚如避弋復下信忘機偶得從公飲聊書此
景歸

近有謝師厚寄襄陽柑子乃吳人所謂綠
橘耳今王德言遺姑蘇者十枚此真物也

因以詩答

荊州持大橘亦自名黃柑忽得洞庭美氣味何可
參遂生吳洲思恨不羽翼南

運使劉察院因按歷歸西京拜省

在昔志四海所遇非一途朝以言悟主夕即被金
朱于茲亦未幾用直升雲衢臺分東西屬御史從
子除天馬日千里豈並局促駒朔北遏亂萌褒嘉
賜璽書乃衣漢使繡威譽傾國都借問世上榮萬
國與此殊明朝歸洛陽聊且餞高車亭埃况非遠
春郊無疾驅

余之親家有女子能點酥爲詩并花果麟
鳳等物一皆妙絕其家持以爲歲日辛盤
之助余喪偶兒女服未除不作歲因轉贈
通判通判有詩見答故走筆酬之

翦竹纏金大於掌紅縷龜紋挑作網瓊酥點出探
春詩玉刻小書題在榜名花雜果能眩真祥獸珍
禽得非廣礪落男兒不足爲女工餘思聊可賞

元日

昔遇風雪時孤舟泊吳埭江潮未應浦盡室坐相
對行庖得海物醃酸何瑣碎久作北州人食此欣

已再是時值新歲慶拜乃唯內草率具盤餐約略
施粉黛舉杯更獻酬各爾祝鮐背咀橘齒病酸目
已驚老態豈意未幾年中路苦失配嘉辰衆所喜
悲淚我何耐曩歡今已哀日月不可賴前視四十
春空期此身在世事都歇聞讀書未忍退過目雖
已忘寧捨心久愛何當往京口竹里翦荒穢行歌
樂暮節薪菽甘自刈

通判遺新柳

園柳發新萸官居雪尚壅君喜持報春衰意非舊
勇芳菲即可挿予髮慙種種

送孫曼卿鑠廳赴舉

舊果豈非好截樹接新枝欲變明年花曾不根本
移屈彼自然性曰茲山木卑子才寶艷富久爲人
所推固當升高科我送作此詩

依韻和劉察院送客迴過溪水馬上有作
車騎踏春堤脩然思如濯望驄人自避解凍魚方
樂拏流古樹根跨岸枯薪灼煙雲淡淡天嫩綠生
叢薄

不知夢

夢中不知夢但謂平常時相與共笑言焉問久別

離有贈若有得及覺已失之人生在世間何異夢寐為

郊城道中

行行溪水邊鏡碧不可唾安知有沫流草木多偃卧潭鳥瞥復沒灘沙淨如簸不獨荊州民居險頸瘦大

汝州後池聽水

春水泉脉動分崑臨澗源源津津出石齒泠泠紫竹根猶和野雲翠復落郡池喧心靜意自適不知朝市煩

春鳩

鳴鳩識陰晦聒聒雌逐雄鵲巢汝得共可蔽雨與風春物况不晚杏萼已半紅試看池館間燕雀隨西東

留別汝守王待制仲儀

來時柳未芽去見杏吐萼相歡無幾日節候已非昨邂逅二十年三遇三睽索會合信難常焉用計踈數

夢覺

夕夢多夢之覺來遂成憶憶子生平時事往無一

得信若此夢寐豈不見顏色復存來告言言虛音
匪默是覺曷爲真覺夢可以惑

汝州

主人少聽我爲言風土殊美哉面有顙生此頸若
壺噫號無冬夏歲禱無嗟吁只伶郡池上不異山
林居

西東 逢牧

國馬一何多來牧郊甸初大群幾百雜小群數十
驅或聚如鬪蟻或散如驚鳥或踐麥無根或齧樹
無膚牧卒殊不顧抱鞭人民墟欲酒與之飲欲食

與之鋪日暮卒醉飽枕鞭當路隅茫茫非其土誰
念有官租

寄滁州歐陽永叔

昔讀韋公集固多滁州詞爛熳寫風土下上窮幽
奇君今得此郡名與前人馳君才比江海浩浩觀
無涯下筆猶高帆十幅美滿吹一舉一千里只在頃
刻時尋常行舟艦傍岸撐牽疲有才苟如此但
恨不勇爲仲尼著春秋貶骨常苦咎後世各有史
善惡亦不遺君能切體類鏡照媮與施直辭鬼膽
懼微文姦魄悲不書兒女書不作風月詩唯存先

王法好醜無使疑安求一時譽當期千載知此外
有甘脆可以奉親慈山蔬采筍簾野膳獵麇麋
鱸膾古來美臯彘今且推夏果亦瑣細一舊頗窺
圓尖剥水實青紅摘林枝又足供宴樂聊與子所
宜慎勿思北來我言非狂癡洗慮當以淨洗垢當
以脂此語同飲食遠寄入君脾

衛州通判趙中舍

我久在河內頗知衛風俗沙田多種稻野飯殊脫
粟况聞別乘至佇望大河曲飲罷何以贈柔條路
傍綠

資政王侍郎命賦梅花用芳字

許都二月杏初盛公府後園梅亦芳因思江南花
最早開時不避雪與霜主人惜春春未晚遂命官
屬携壺觴酒行守吏摘花至素艷紫萼繁於裝天
桃穠李不可比又况無此清淡香豈辭盡醉對顏
色頻嗅競粘鬢桑黃何時結子助調鼎我心舊職
不敢忘

歐陽求叔寄琅琊山李陽冰篆十八字并

求叔詩一首欲予繼作因成十四韻奉答
我坐許昌塵土中山翠泉聲達眼耳公雖被謫守

滁陽日少郡事窮山水東南有風西北來忽得書
詩連數紙并寄陽冰古篆字字形矯矯龍蛇起其
文乃只題姓名大曆六年春氣尾報云此篆無人
知野僧好事爲公指公留崑下久徘徊公剔莓苔
汲泉洗點畫雖然未苦訛霜侵風剝多皴理公疑
鳥迹踏蒼崖山祇愛惜將有以雲藏至今不近俗
月伴古源清且泚此石公知石不知公與前人定
知已墨模幾幅許傳玩璧言於玦玉終可喜况復爲
詩刻其下句奇字峻驚山鬼何當少得從公游爲
公揮筆寧非美

依韻答范天民

古今冠佩立朝人多作北山松下塵我愛蟠桃種
來久開花結子不由春

東風回樊推官勸予止酒

少年好飲酒飲酒人少過今旣齒髮衰好飲飲不
多每飲輒嘔泄安得六府和朝醒頭不舉屋室如
盤渦取樂反得病衛生理則郝予欲從此止但畏
人譏訶樊子亦能勸苦口無所阿乃知止爲是不
止將如何

依韻和通判二月十五日雨中

仲春月既望物候恰分中窻聽五更雨花開前日
風詩成止酒後病怯舉杯空短髮雖然黑心如一
老翁

感春之際以病止酒水丘有簡云時雨乍
晴物景鮮麗疑其未是止酒時因成短章

奉荅

東風固無迹何處見春歸土逐草心坼雨兼花片
飛雖怜柔甲長只恐艷條稀君但惜晴景休言止
酒非

和永叔琅琊山六詠

歸雲洞

洞深豈不有神物朝朝但見雲飛還雲收雨歇草
樹濕澗下流水空潺潺

琅琊溪

枯藤垂溪冰已消溪水濺濺石間亂潭靜鳥呼人
渡時鳥驚人語來還散

班春亭

林下鳩鳴坼晴杏田間水漫春溶溶使君固自足
風美時傍青山去問農

庶子泉

沙坑石竇無限泉此泉緣底名不滅庶子去來多
少年依舊清心共泉潔

石屏路

尋常畫屏多畫山何意此山還作屏峭排直上
幾千尺下有石路莓苔青

惠覺方丈

松門隱者我未識一見君詩如已爽歲月任隨人
事遷此身不動雲生壁

宛陵先生文集卷第二十六

宛陵先生文集目錄卷第二十七

答宋學士寄紙

二月雨後有蚊蚋

春寒

答三韓見贈述詩

叙答三韓簡

過頰橋懷永叔

堪澗書夢

靈樹鋪夕夢

謝王汝州勸復飲

陪王待制觀牡丹

和王待制牡丹詠

洛陽牡丹

等慈寺望嵩高岳

睡意

三月十四日汝州夢

再別仲儀

夕發陽翟

缺月

道次靈井

答江十鄰幾

喜謝師厚及第

答通判惠庭花

水丘遺魚

和鄰幾見寄

雀奪燕巢

和永叔啼鳥

和永叔桐花

和王仲儀詠瘦

憶吳松江晚泊

寄尹師魯

夏日寄韓仲文

憶將渡揚子江

秀叔頭虱虱

稚子獲雀雛

丙戌五月晝夢

蜜

答王德言

夢觀

悲書

寄曹光道惠李

深夏尚見奈樹有實

戲答仲文惠海味

寄光化退居李晉卿

次酬江隣幾

戲謝魏文惠蒼意以

目錄終

死陵先生文集卷第二十七

答宋學士次道寄澄心堂紙百幅

寒溪浸楮春夜月敲冰舉簾勻割脂焙乾堅滑若
 鋪玉一幅百錢曾不疑江南老人有在者為予嘗
 說江南時李主用以藏祕府外人取次不得窺城
 破猶存數千幅致入本朝誰謂奇漫堆閣屋任塵
 土七十年來人不知而今製作已輕薄比於古紙
 誠堪嗤古紙精光肉理厚適歲好事亦稍推五六
 年前吾永叙贈予兩軸令寶之是時頗叙此本未
 遂號澄心堂紙詩我不善書心每愧君又何此百

幅遺重增吾報不敢拒且置縑箱何所為

辛酉三月雨後有蚊蚋

春夜一二蚊蚋飛久不見之尚可喜而今稍喧來

聒人向後更暖奈爾輩

春寒

春晝自陰陰雲容薄更深蝶寒方歛翅花冷不開

心亞樹青帘動依山片雨臨未嘗辜景物多病不

能尋

答韓三子華韓五持國韓六玉汝見贈述詩

聖人於詩言曾不專其中因事有所激因物興以

通自下而磨上是之謂國風雅章及頌篇刺美亦

道同不獨識鳥獸而為文字工屈原作離騷自哀

其志窮憤世嫉邪意寄在草木蟲通來道頗喪有

作皆言空煙雲寫形象詭卉詠青紅人事極諛諂

引古稱辨雄經營唯切偶榮利因被蒙遂使世上

人只曰一藝充以巧比戲亦以聲喻鳴桐嗟嗟一

何陋甘用無言終然古有登歌緣辭合徵宮辭由

士大夫不出於瞽矇予言與時輩難用猶篤癘難

唱誰能聽所遇輒瘖聾諸君前有贈愛我言過豐

君家好兄弟響合如笙叢雖欲一一報強說恐非

夷聊書曰類頑石不敢事磨礱

前以詩答韓三子華後得其簡因叙下情前者報君詩妄說良有以昔予在京師多為人所詆短章然無工實未甘藝此因君有過褒聊且發憤排何言敢為師乃是貴不賤平常遭口語攢集猶毒矢此論苟一出是非必蜂起偶爾道瘖聾多疑已竊指雖恃不欺衷恨未致速死安得二頃田歸耕曷為耻誰能事州郡鷄狗徒聒耳

過穎橋懷永

昔送之官東郡時夜闌對酒風揭屋君今淮海予

再過古驛依依老槐綠

樞澗晝夢

誰謂死無知每出輒來夢豈其憂在途似亦會相送初看不異昔及寤始悲痛人間轉面非清覓歿猶共

靈樹鋪夕夢

晝夢同坐偶夕夢立我左自置五色然色透縑囊過意在留補綴恐衣或綻破歿仍憂我身使存心得墮

汝州王待制以長篇勸予復飲酒因謝之

前因飲酒多乃苦傷營衛嘔血踰數升幾不成病
肺上念父母老下念妻兒稚不死常抱痾於身寧
自貴樊子來勸我止飲良有謂公復遺我詩責我
詞甚毅指以年齒衰非酒何養氣春飲景可樂夏
飲暑可避秋飲心志愁冬飲暖勝被醉歌人不恠
醉言人不忌在酒功實多止酒酒何罪假如壽九
十今子已半世不飲徒自苦未必止爲利胡汨妄
與真恐乖達者意屈原吟澤畔方悟獨醒累子居
今之時安免人病議是以告子勤子守亦謬計我
讀纔一過不覺顏起愧自茲願少飲但不使疾熾

書此以謝公公言誠有味

陪王待制清涼院觀牡丹賦詩

公言牡丹盛未覩古人詩品衆自爭貴葉多方見
奇名因他姓著色爲別根移華髮我何感洛陽年
少時

和王待制牡丹詠

誰移洛川花一日來汝海濃淡百般開風露幾番
改傍欄人自醉惜翦春有待使君方少年共賞喜
我在

洛陽牡丹

古來多貴色，歿去定何歸。清鬼不應散，艷花還所
依。紅棲金谷妓，黃值洛川妃。朱紫亦皆附，可言人
世稀。

汝州等慈寺閣望嵩岳

崢嶸古寺閣，蒼山挿晴簷。少室出天外，巍巍何尊
嚴。王都在其下，風露國所霑。日暮飛雲歸，已失中
頂尖。

睡意

少時好睡常不足，上事親尊日拘束。夜吟朝誦無
暫休，目齒生瘡臂銷肉。今踰四十無所聞，又况衰

妻仍獨宿，虛堂淨掃焚清香。安寢都忘世間欲，花
時啼鳥不妨喧。清暑北窗聊避燠，葉落夜雨聲滿
堦。雪下曉寒低壓屋，四時自得興味佳。豈必鏘金
與鳴玉，萬事易厭此不厭。真可養恬無天促，且夢
莊周化蝴蝶。焉顧仲尼譏朽木，人事幾不如夢中
休用區區走榮祿。

三月十四日汝州夢

我歸十九年，飲不負升斗。昨夕夢見之，謂須多置
酒，雖慰覓來言，定不復入口。侯當返吾廬，且爲貯
罌缶。夢寐何敢欺，從笑愚所守。

再別仲儀

前別歲月遠道同情相親三旬忽相見愈厚不厭
頻昔云思數面今無愧古人嗟然東去懷紛若陌
上塵

不雨而夕發陽翟

我行陽翟道暮雨原上急麒麟家相望霹靂碑下
立農耕傍山去鬼火迸林入莫問泉下人馬墮衣
更濕

缺月

缺月來照屋角時西家狗吠東家疑夜深精靈鬼

物動憇宰古莽無風吹

道次靈井

井面水不動傍分龍鱗激泉氣時生漚上湧光的
皦深苔翠堪染石底清可觀旱歲或來祠彈絃屬
靈觀

谷江十鄰幾

蔡州雖非邀作書素所懶春風領燕來得君詞款
款燕迴須在秋此報莫言緩何日見嵇康重彈廣
陵散

喜謝師厚及第

時第一甲二十八人
君名在二十三

宿雨洗新綠朝日初聞鶯風從天門來吹下玉簡
名列星二十八經緯何縱橫南方朱鳥目光焰令
人驚其餘撒沙衆龜鼈瓜瓠明吾欣安石後世世
有令聲

孟夏二日通判太傅惠庭花二十枝云是
手植因以爲荅

前日已春盡夏卉抽嫩青唯君所植花餘紅猶滿
庭常惜畏景逼贈未及飄零欲挿爲之醉但慙髮
星星

水丘於西湖得活鯽魚三尾見遺余頃在

襄城獲數尾時歐陽永叔方自乾德移滑
臺留待其至且有詩後居京師蔡仲謀者
亦有以贈乃思襄時所留復有詩於今三
得三詠之矣

襄城得圓鯽留以待吾友大梁又得之始憶終按
酒今君復持贈重念滁陽守滁陽石瀨中此物豈
無有三得實嘉遺我敢自私口口且不爭甘事亦
難利誘

和江鄰幾見寄

自此許州起慶曆
六年夏盡其年終

清風當晝起吹我庭下槐軒軒枝上葉碎影亂綠

苔左右無人聲時有啼禽來啼禽感所懷其音一
何哀思歸無曉夕血滴山榴開曰予當是時爲之
腸九迴江子方謫官復有擬古才遠寄平淡辭曷
報瓊與壤

雀奪燕巢生四雛

去年燕營巢銜泥入我廬秋歸春復來橫被雀所
居翩然去不較義者欲與除毀覆必傷卵愛彼此
何踈乃竦長黃口逐之寧曰紆果得生四雛卉色
頭戢如後當還燕巢穿屋不害余

和歐陽永叔啼鳥十八韻

南方窮山多野鳥百種巧口乘春鳴深林參天不
見日滿壑呼嘯誰識名但依音響得其字因與尔
雅殊形聲我昔曾有禽言詩粗究一二啼豪情若
竹岡頭泥滑滑君時最賞趣向精餘篇亦各有思
致恨未與盡衆鳥評君今山郡日無事靜聽鳥語
如交爭提壺相與來勸飲戴勝亦助能勸耕我念
此鳥頗有益如欲使君勤以行勸耕幸且強職事
勸飲亦莫無獨醒杜鵑蜀魄哭歸去小人懷土慎
勿聽城頭春鳩自謂拙鵲巢輒處安得平高窠喬
木羨毛羽哢吭葉底無如鶯口中調簧定何益下

啄蚯蚓孰曰清自餘多類不足數一一推本煩神
靈我居中土別無鳥老鴉鸚鵡方縱橫教雛叫噪
日群集豈有勸酒花下傾願君切莫厭啼鳥啼鳥
於君無所營

和永叔桐花十四韻

湛湛碧井水其上有梧桐春隨井氣生白花飛濛
濛曉枝滴甘露味落寒泉中結實待瑞羽歲晚半
枯空桐既無鳳凰井豈潛蛟龍乃知至神物未易
令人逢當時集穎川偶值黃次公次公入爲相此
鳥曷不從遂使神鷓雀竟用竒怪窮我言非毀古
欲遵平直蹤我願二千石但使德化隆有桐鳳不
來於桐無愧容有鳳政不舉於鳳何爲崇答君桐
華篇聊以發我衷

和王仲儀詠瘦二十韻

汝水出山除汝民多病瘦或如鷄精滿或若猿嘍
並女慙高掩襟男大濶裁領飲水擬注壺吐詞伴
有鯁樗里旣已聞杜預亦不幸秦人號智囊吳歆
繫狗頸臙胝常住願伶行安及脛只欲仰問天無
由俯窺井挾帶歲月深冒犯風霜冷狀惡雖自知
剖剖且誰肯不唯羞把鏡仍亦愁弔影內療煩羊

曆外砭費針頰在水曰楠榴剗之可爲皿此誠無
所用既有何能辟屏音臄臄則無首臄腫異臄頂難
將面目施可與胎胞逞賢哉臨汝守世德調金鼎
氓俗雖醜乖教今日脩整風土恐隨遷晨昏憂屢
省儻欲便慈顏名城不難請

憶吳松江晚泊

念昔西歸時晚泊吳江口回堤溯清風淡月生古
柳夕鳥獨遠來漁舟猶在後當時誰與同涕憶泉
下婦

使者自隨州來知尹師魯寓止僧舍語其

處物景甚詳因作詩以寄焉

驛使話漢東故人遷謫處所居雖非居有樹即嘉
樹日膳或雞狔時蔬多筍芋夜堂蛇結蟠畫戶鵲
噪聚著書今未成愛靜已得趣予欲訪其人炎蒸
未能去

夏日對雨偶成寄韓仲文昆弟

日日城頭雨還添湖上波窻中人自聽門外潦應
多不畏車生耳唯愁麥化蛾吾廬無所有頻看壁
間梭

憶將渡揚子江

月暈知天風舟人夜相語平明好挂帆白浪須出
浦此身猶在吳歸夢預到楚今日念同來吾妻已
爲土

秀叔頭虱

吾兒久失恃髮括仍少櫛曾誰具湯沐正爾多蟻
虱變黑居其元懷絮宅非吉蒸如蟻亂緣聚若蚕
初出鬢搔劇蓬葆何暇嗜梨栗翦除誠未難所惡
累形質

稚子獲雀雛

屋頭小雀雛雛氣力苦未長乘暄學調羽忽掛蜘蛛

網其母不能救啁啾空下上乃爲人所探不是蟲
絲枉

丙戌五月二十二日晝寢夢亡妻謝氏同

在江上早行忽逢岸次大山遂往遊陟予

賦百餘言述所觀物狀及寤尚記句有共

登雲母山不得同宮處倣像夢中意續以

成篇

晝夢與予行早發江上渚共登雲母山不得同宮
處何嗟不同宮似所馱途旅樹杪俯烏巢圻穀方
仰乳椎雌更守林號噪見飛鼠鼠驚豎毛怒裹枝

如發弩逡巡吼風雲遠望射岳雨東南橫虹霓萬
壑水噴吐下尋歸路迷欲暮各愁語忽覺此已非
空庭日方午

蜜

燕啣芥根泥蜂掇花上蕊帶雨兩股飛所取日能
幾調和露真英滲甘滑於髓天寒百蟲蟄割房霜
在匕燕已成鷄歸蜂憂凍餒死乃見萬物心多爲
造化使

王德言自後圃來問疾且曰圃甚蕪何不
治因答

幾日不行圃野草過人頭客怪苦荒穢誰與持鋤
鉤雖然自薶薶抱病方告休即當秋風高掃穽將
遲遊

夢觀

閉目光不揚夢觀良亦審既非由目光所見定何
稟白日杳無朕冥遇嘗在寢此恨不可窮悲淚空
流枕

悲書

悲愁快於刀內割肝腸痛有在皆舊物唯爾與此
共衣裳昔所製篋笥悉更弄朝夕拜空位繪寫恨

少動雖死情難遷合姓義已重吾身行將衰同穴
詩可誦

合派曹光道惠鉅李知其炎酷中有此味
味亦可樂也輒以詩寄

穎傍成蹊李其實小於拳誰知皴枝瘦生此紺玉
鮮摘以筠筒籠沉以石根泉濛濛粉未落粲粲葉
猶連蔭樹咀甘液安有苦熱煎報君惜茲樂時詠
逍遙篇

深夏忽見奈樹上猶存一顆實

累累後堂奈落盡風雨枝行樂偶散步倚杖聊縱
窺林葉隱孤實山鳥曾未知物亦以晦存悟茲身
世爲

病癰在告韓仲文贈烏賊紫生醅醬蛤蜊

醬因筆戲答

我嘗爲吳客家亦有吳婢忽驚韓夫子來遺越鄉
味與官官不識問儂儂不記雖然苦病癰饒吻未
能忌

寄光化退居李晉卿

久無歸田人今喜子去祿移家漢水濱日見漢水
綠川鱗可爲養山毛可爲藪竟歲馱往還行堪樂

風俗青巾編上郎漆鬢顏如玉倚檣臨落照獨唱
江南曲聽若在江南歡然自爲足我心雖有羨未
遂平生欲更期畢婚嫁方可事幽麓買山須買泉
種樹須種竹泉以濯吾纓竹以慕賢躅此志應不
忘他時同隱錄

汝南江鄰幾云卽南並淮浮光山有張隱
居種松檜於其上養母甚孝時有猛獸馴
庭中又郡西麻田山土沃泉美久不墾有
劉叟者闢而居之近董氏黃氏欲買土爲
鄰故江有慕之之作子輒次其韻

峩峩淮山上中有隱者棲不知松檜下但見虎豹
蹊人群固已遠樵客入猶迷且奉采蘭養應無抱
玉啼麻田異麻源石路春無泥高士不近俗更在
西嶺西石泉飲自足深壑無人躋不學淮南王安
問犬與雞二人逍遙性所樂唯杖藜復有來慕鄰
他年寧答嵇頤君且勉職聖世未易睽

魏文以予病渴贈薏苡二叢植庭下走筆

戲謝

媿無相如才偶病相如渴溪水有丈人薏苡分叢
菱爲飲可扶衰餘生幸且活安知惡已者不願變

野葛

...

...

...

宛陵先生文集卷第二十七世末

...

...

...

...

...

宛陵先生文集目錄卷第二十八世末

和資政湖亭雜詠

新沼竹軒

野鴿

寄宋中道

畫竹枝扇

送謝師厚歸南陽

送通判太博

宿安上人

呈刁經臣

和王德言夏日晚步

麥門冬

孫曼叔汴上見鶻

梨花憶

苦風思江南

王資政京南留守

和韓子華桂花

寬宋中道失小女

阮籍嘯臺

送來興趙提舉

合流河亭

早至穎上縣

欲陰

正陽驛夢

新婚

登舟

諭鷗

釣蟹

取蟻

穎水費公渡

穎水

打魚

八日湖會呈晏公

九日會擷芳園

謝晏相公

道中晏公寄酒

水苔

新鴈

和晏相公

和酬晏公

途中寄上晏公

舟中夜與家人飲

舟行自採苟杞子

蔡河阻淺

黃駸

入澤王河口

西華逢李令

合流值雨與光道飲

寄送餘姚謝宰

李密學遺苔醬脯

目錄終

苔徑

林間夏雨滋復有斜陽照綠淨不搖風從教春草笑

石齒嚼寒聲

聲齜齜紫曲處有時浮落英又過城根去

小橋

伐桂向芳洲跨波灣勢小時愛游人渡游人在林杪

漁艇

古木剝為舟野藤牽作纜釣人寒雨中遠望煙蓑暗

採菱

紫角菱實肥青銅菱葉老孤根未能定不及寒塘草

食魚日已晚矯翼煙際還不與鴈鴛鴦竟風標亦自閑

王德言夏日西湖晚步十韻次而和之

雨餘殘照在塘靜獨行行荷積水珠重天收霓帔
輕倦禽依卧柳聚蚓殢坳泓帽側林枝礙裳褰野
蔓縈芡鵲園客剥蒲刃水袂驚泱泱流泉活濛濛
夕霧平榴房生蠹落蛛網害蟲成坎黽無時怒渾
魚自樂清高臺從獸窟古道有根橫寫景未能就
娟娟月上城

新沼竹軒

作軒仍見竹蕭洒排青幢斜烏與落日靜影
窻光沒影亦沒激水自淙淙夜深猶讀易誰更憶
清江

麥門冬內子吳中手植甚繁鬱鬱罷官移之
而歸不幸內子道且亡而茲草亦屢枯今
所存三之一耳遂感而賦云

香草葉常碧本生崑澗邊佳人昔所愛移植堂堦
前自吳北歸梁復以盆盎遷佳人路中死此草未
忍捐與我日憔悴根不通下泉勤勤為澆沃稍見
萌穎鮮終當置墳側長茂松柏埏

野鴿

孤來有野鴿紫眼肖春鳩飢腸欲得食立我南屋
頭我見如不見夜去向何求一日偶出群盤空恣
嬉游誰借風鈴響朝夕聲不休飢色猶未改翻翅
如我仇炳哉有靈鳳天抑為爾儔翕翼處其間顧
我獨遲留鳳至吾道行鳳去吾道休鴿子何所為
勿污吾鐺甌

孫曼叔暮行汴上見鴿擊蝙蝠以去語

於子

野鶻性決裂所食唯獐飛小鳥不入眼拳發

機日暮未有獲豈擇大與肥
瞥下攫蝙蝠去以賜飢
休笑老鷓飽啣得腐鼠歸

寄宋中道

爾書我不答爾怒從爾罵
天馬新羈時氣橫未可
駕儻我一日死爾豈無悲
咤唯知道義深小失不足謝

梨花憶

欲問梨花發江南信始通
開因寒食雨落盡故園
風白玉佳人死青銅寶鏡空
今朝兩眼淚怨苦屬衰公

畫竹枝扇

石上老瘦竹勿在紈扇中
執之意已涼不待搖清
風小節未見粉淡痕應合
紅日將炎暑退畏蠹生
秋蟲

兩日苦風思江南

擺磨萬木聲朝吼暮不止
吹沙作雲飛物狀顏色
死還念江上山落瀑鳴幾里
茅茨松竹間翠的門
前水下窺石穴魚出入數十尾
是時殘照微古路
誰家子羸馬入煙林區區何若此
昔笑今已迷薄
官正如彼何當却歸來臨流重洗耳

送謝師厚歸南陽

竹館蔭以風洒水坐猶熱念子遠歸時焦煙起車
轍落日原上微鳥棲人欲別我心明月在相照異
盈缺

資政王侍郎南京留守

百世興王地乘時已建都離宮萬戶寄京邑四方
模尹以名臣擇朝仍宿哲俞果資卿屬重將伴國
人蘇迎錢車交轍奔馳士結途許嗟人惠奪宋達
德恩敷日月天關近山河地勢趨駭城隋柳密開
苑漢池枯文物布前代謳歌得大儒鄒枚跡雖古

賓從豈今無

送通判太傅

相見不在久見久未必親無為歲月淺豈不膠漆
均猶嗟欲別日事疊如排鱗安得獨携酒遠送秋
水濱

和韓子華桂花

莫以天下桂皆為月中物猶言月有兔野豈無狡
窟空山桂花多艷色粲然發樵客不知貴奈何薪
爨屈

宿安上人門外裴如晦胥平叔來訪

胥裴喜我至冒雨夜出城燈前相對語怪我面
骨生為言憔悴志因意多不平亦見子領鬚長
已可驚知子有所立毛髮隨世情子心且如舊後輩
苦前輕

宋中道失小女戲寬之

宋子失汝嬰女苦將造物怪造物本無惡爾責亦已
隘且如工作器寧復保存壞收淚切勿悲他時多
壻拜

刁經臣將歸南徐許予尋隱居之所及亡
室墳地因走筆奉呈

欲居江上江試與問京峴常觀鮑家詩心慕已不
淺行當下結廬依農事清畎傍葬吾先妻同穴晚
未免買谷勿險深求岡要平顯松竹應所宜蒿萊
預教翦我志決不移君言幸須踐

尉氏縣阮籍嘯臺

古城多瘦棘莽莽連荒臺不見長嘯人黃土空崔
嵬北顧蓬池上枯廢生蒿萊當時思大梁還望已
徘徊今我復懷昔豈不傷且哀鳥呼有遺響英靈
同土灰

送趙仲實求興乾耀提舉捉賊

知君少以勇曾向蕭關戰橫刀突虜圍奪馬傷胡
箭當時獨免歸猛毅邊人羨今來提漢卒寇盜清
秦縣未足賀功名功名它日見

合流河堤上亭子

隔河桑榆晚藹藹明遠川寒漁下灘時翠鳥飛我
前山藥植瑣細野性仍所便令人思濠上獨誅莊
叟篇

早至穎上縣

夜發曉未止獨行淮水西明知寒草露暗濕瘦驄
蹄半滅竹林火數聞茅屋雞秋天長殘暑不為月

光迷

欲陰

鸚鵡知天風鶉鳴知天雨途路厭塵昏車馬煩泥
阻陰仍老易覺體質預辛楚安坐與壯年慎勿忘
酒脯

正陽驛舍夢鄭并州寄書開之即三山圖也

我來清淮側夢得鄭公書開書一把玩乃是三山
圖山形雄且邃筆畫簡而踈紙幅不盈尺萬仞勢
有餘卷置懷袖中意獲寤已無

新婚

前日為新婚喜今復悲昔聞中事有託月下影免
隻憤呼猶口悞似往頗心積幸皆柔淑姿稟賦誠
所獲

登舟

向起風沙地暫假烏榜還浩然起遠思欲與魚鳥
閑景目洗已清詠句稱且慳時看秋空雲雨意濃
淡間

諭鷗

翩翩沙上鷗安用避漁舟漁人在魚利何異爾所求
釣蟹

老蟹飽經霜紫螯青石殼肥大窟深淵曷虞遭
食沫香餌與長絲下沉寧自覺未免利者求潛潭
不為邈

取蟻

東灣暖無沙有蟻淵泥下輕舸復翠竿預致魯
誰捨剗肉不知數持為楚鄉鮓嗜味固足珍况亦
椒橙假

穎水費公渡觀飲牛人

渡口飲牛歸村墟夕陽裏黃犢未及群抱帶過寒
水利心乃如仁耕領破不止當時彼何高獨能譏

洗耳

穎水

穎水苦流瀑淺平秋與冬岸深開地勢底碧寫天
容道枉隨灣去村遙盡日逢迷魚是潭曲寧見窟
蛟龍

打魚

挿葦截灣流寒魚未能越安知罟師意設網遮其
闕不須芳餌懸何待清歌發所獲勝輪竿寧聞憂
澤竭

八日就湖上會飲呈晏相公

明當是重九黃菊還開不先將掇其英秋逕未能
有頽齡無以制但不負此酒紅頰誰使歌公怜牛
馬走

九日擷芳園會呈晏相公

今日始見菊雖見未全開猶勝昔無酒持望白衣
來破穎浮金英雜蟻已盈盃何必探丹萸結佩上
高臺自不愧佳節安聽飛鴻哀

謝晏相公

刻意向詩筆行將三十年嘗經長者目未及古人
有昔慕荀文若多稱王仲宣今慙此微賤重辱相

君憐

道中謝晏相公寄酒

頽泥墨印幾壺醪將慰窮途阮步兵一夜臨流對
明月舉盃愁聽鴈來聲

水苔

深苔何所若苦詠費毫尖繞繞水仙髮茸茸蛟客
髯綠縈秋石淨嫩值翠篙黏尚毛參差荇薄言無
此嫌

新鴈

塞鴈與寒來夜落汀洲宿泊舩人不寐月下聲相續

依韻和晏相公

微生守賤貧文字出肝膽一為清頴行物象頗所
覽泊舟寒潭陰野興入秋莢因吟適情性稍欲到
平淡苦辭未圓熟刺口劇菱茨方將挹溟海器小
已激灑廣流不拒細愧抱獨慊慊疲馬去軒時戀嘶
芻秣減茲繼周南篇短橈寧及艤試知不自量感
涕屢揮摻

以近詩贄尚書晏相公忽有酬贈之什稱
之甚過不敢輒有所叙謹依韻綴前日坐
末教誨之言以和

嘗記論詩語辭卑名亦淪公曰名不盛者辭亦不高寧從陶令野

公曰彭澤多野逸田舍之語不取孟郊新公曰郊詩有五言一句全用新字琢礫難希

寶噓枯強費春今將風什付可與二南陳

途中寄上尚書晏相公二十韻

驚鳥颺入林鴉亂飛舞空落葉相追隨秋權摧物不見跡但使萬古生愁悲登山臨水昔感別身作旅人安得宜單舟匹婦更無婢朝食每愧婦親炊平生獨以文字樂曾未敢耻貧賤為官雖寸進實過分名姓已被賢者知疎愚生不謁豪貴守此退縮行將衰穎州相公乘道德一見不以論高卑久調

元化費精力猶且未倦刑書詩唐之文章剔蕪穢纖悉寧有差毫釐謂其耽學可與語便語淵奧祛俛疑浮言近意不歷口直欲海窟拏蛟螭再拜膝前荷勤誨垂橐綱載歸忘飢解艇水驛無幾舍新詩又遣牙兵持上言行李覽物景聊可與婦陳酒卮下言狂斐頌及古陶韋比格吾不私相公貴且事翰墨我輩豈得專遊嬉今將蒿芹薦俎豆定亦不以微薄遺嘗令有詠無巨細當因川陸舟車貽日對順流思疾置老魚姦怯潛鱗鬣著

舟中夜與家人飲

月出斷岸口影照別舸背且獨與婦飲頗勝俗客
對月漸上我席暝色亦稍退豈必在秉燭此景已
可愛

舟中行自採苟杞子

野岸覓多杞小實霜且丹繫舟聊以掇粲粲忽盈
盤助吾苦羸茶豈必採琅玕自異驕華人百金求
秘丸昔聞王子喬上帝降玉棺此焉即不免但願
在世安

蔡河阻淺

陸乏百鈞馳水假孤艇進艱苦灣灘長曲折劇篆

印蔡方阻淺涸寸步出怪吞膠舟看在前暗磧礙
難慎誰能使暮盪空自思禹濬丈夫少壯時必在
馳驅駿

黃馭

維舟飯孤村隔岸見黃馭瘦牧正苦飢蒼鳥復下
啄関心無柘彈投塊徒自數力小不能中汗顏慙
且渥

入澤王河口

遠水路已別古以來窮源定知前山雨瀑沫至且
渾暗生秋草下稍復夏潦痕更去待月上猶應可

到門

西華逢李令子翼

適從潁水歸道逢西華長不見二十年顏鬚我非
曩君問洛陽日舊友多泉壤更別如前時應復少
吾黨

合流值雨與曹光道飲

秋風嚎衰林秋雨阻歸客賴有故時交舉盃聊岸
憤談兵與論文曾不涉陳迹必竟無所施醉去思
泉石

寄送謝師厚餘姚宰

我從淮上歸君向海漈去安知無幾舍邂逅不相
遇頗如飛空雲到月不得附月行既不留雲亦值
風故誠知會合難豈是忘所赴我雖歸新僑心不
捨舊履誰謂若世人食瓜思弃瓠君南我起北
日見陽鴈度茲欲遠寄音鴈行高丘遠但誦金
石言於時儻無忤

李密學遺蒼苔將醬脯云是自採為之

溪流寒且急岸草已凋摧石髮尚堪把江人曾不
來誰將烏榜去留採碧潭隈持作吳鄉味能令
案錄盃

宛陵先生文集卷第二十八

宛陵先生文集目錄卷第二十九

陽翟凝嵩亭

王仲儀寄鬪茶

和王道損風雨

鬪鷓鴣

和道損欲雪

鬪山鵲

和仲文聯句

種藥

答王汝西軒

和持國分題仙藥

送長陵辨師歸寧

和密學流杯亭

和子華陪宴

飲韓仲文家

玉汝遺冰蜜梨

王道損遺蜜梨

寄題滁州豐樂亭

和仲文西齋閑夜

荅仲連
和子華飲西軒

和道損喜雪
荅持國遺鮓膾

陪觀新水磴
陪泛西湖

和持國石鮮
同諸韓飲曼叔

和仲文西湖野步
送韓奉禮

諸韓來會別
送仲文

送子華
送仲連

送玉汝
玉汝遺橄欖

和王待制出郊
寄題蘇子美滄浪亭

送河東劉運使
和王汝對月

和玉汝舟中見懷
和訪孔叅處士

二月十四夜霜
送師直上墳

和諸友歸馬上同賦
和子華寄玉版鮓

喜雨
送江陰王判官

送襄陽王龍圖
和持國新植西軒

送師直會稽宰
賦觀西湖新鷺兒

目錄終

小雪繞過大雪前蕭蕭風雨紙窗穿而今共唱新
詞飲切莫相邀薄暮天

鬪鷓鴣孫曼叔邀作

脫命秋隼下鳴鬪自為勇爭雄在數粒一敗勢莫
擁慙將縮袖間懷負然而拱勝且勿苦欣猶驚辱
與寵

和道損欲雪與家人小兒輩飲

陰雲濃壓野風獵樹高鳴寒禽並枝立頗以見物
情目前兩稚子為慰豈異鄉欲置一壺酒且獨對
婦傾

韓持國邀賦鬪山鵲

俗有巧鬪心畜此巧鬪禽搏擊無迅節爪觜自相
侵胡能知遠人角勝合百金鳳凰安在哉徒此望
丹岑

依韻和酬韓仲文昆季聯句見謝

淨居堂因
至其第

予前與道
損游西湖

冬日晴且暖林塘思淨居往興都未盡遂經韓氏
廬韓氏兄弟賢各各趨義塗吾儕與之游何異田
蘇俱經疑反此質學陋慙無餘况茲諸少年高論
傾國都以及治民術縱橫無所拘又涉方外說於

道曾不殊詩評杜兼李字法褚與虞啜茗豈非好
啗栗強為娛久馱官局檢聊休體質舒次第極言笑
左右排圖書終日欣博約貶異正則扶所賴存泛
愛未以我為愚持歸接士論頗亦類販沽復聯長
詩來味若食瓊腴其辭多自損似欲大厥譽顏子
乃庶幾仲尼稱弗如不馱會遇頻雲龍實相須寂
和躡麟趾舉步未敢渝

種藥

雲外陽翟山實與嵩步接山中採藥人能自辨苗
葉當須斲其根以遂素所愜野蔣包舊土遠置風
雨捷故本含新芽枯莖帶空莢植雖乖地勢培壅
得專輒冬誰論臭香春定引蜂蝶豈唯識草木庶
用補羸茶

答韓六玉汝戲題西軒

吾軒今於水吾居易為足誰與哦其間風牕數竿
竹雖無泉石清尚不愧茅屋所樂違俗暄此趣大
已熟

和韓五持國乞分道損山藥之什

不種東陵瓜不利千畦韭山藥數十本帶土移野
叟故葉萎未醒傷根亦何咎既為君子好豈與騷

人負騷人比畫工丹青出其口欲分欄下苗馳奴
仍置篋主人可無吝所尚非獨有從茲各勤灌肯
在園蔬後今雖勝曝蓄畢意資玉白人事固已然
秘方看繫肘

送長陵清辨師歸寧

山房古栢暗近在漢陵邊天供不為樂母心常所
懸朝途髮根冷暮野鳥行先子道豈殊衆誰云絕
世緣

依韻和李密學會流杯亭

園林固足勝景著必人賢將泛杯中物遠分湖水

泉來從百花底轉向衆賓前易醉緣多病陪公愧
少年

依韻和韓子華陪王舅道損宴集

韓氏兄弟八人

而七人在坐

雲低未成雪寒氣已侵席凍醪傾白濁乾果列紫
赤風微時破面亭敞宜張帟來望野興通古城何
額額邀射弓鈞開破的翦羽白助中聲喧呼不覺
屢傾憤醉驚一發功誰許百金易非等將帥能
聊將賓友適中酒作暴謔心親語多劇吾徒固不
羈安可限常格去忌無俗流起酌驚馬臧獲八龍觀

諸韓頭角相戢迫參差玉峯前愛慕不知夕誰嗟
短景移能使各情釋為賀主人翁賢甥無久隔此
會舉世稀頻頻奚所惜

飲韓仲文家

飲酒衆所嗜未若朋會樂終日不為荒於時豈多
作坐客十餘人七子實棣萼杯行發嚴令孰不資
善謔巧詞劇猱捷辨機如弩彊醉舌強且遲罰觥
奚屢酌正言訐詭諛簡禮去酬酢送嘲果與蔬相
呼花間藥是非不親親笑語何落落夜歸歡有餘
孩稚扶仍噓

玉汝贈永興冰蜜梨十顆

梨傳真定聞其甘曰如蜜君得咸陽中味兼冰作
質遺之析朝醒亦以蠲煩疾吾兒勿多嗜不比盤
中菓

王道損贈永興冰蜜梨四顆

名果出西州霜前競以收老嫌冰尉齒渴愛蜜過
喉色向瑤盤發甘應蟻酒投仙桃無此比不畏小

兒偷

寄題滁州豐樂亭

泠泠幽谷泉近在青峰下使君去窮源林外留車

馬一徑穿條深蔽日復瀟洒行盡逢泓澄翠影如
可瀉雲樹陰其傍造物將有假引水開石池結宇
覆碧瓦乃知愛玩心朝夕未忍捨近移溪上石怪
古蒼蘚惹巧藥廣陵來山卉雜天冶春禽時相鳴
宿從不應寡欲問淮南趣還思洛陽社勝事已不
辜吟觴無倦把

和韓仲文西齋閑夜有懷道損舅及予

冬日每苦短方愛夜漏未積雲寒擁齋徘徊延月
影獨能懷親友出門見參井是時發清詠筆若天
驥騁

前此諸韓來飲獨仲連以小兒病不至明

日仲連有夜坐見懷之什因成荅章

夜與賢豪飲方聞默坐時我斟相樂酒君詠寄來
詩莫恨殊喧寂真緣篤愛慈何當因雪興過此未
應遲

奉和子華持國王汝來飲西軒

我誠官局冷終日事靡枯每耽古人書似與世俗
闊同道三四人來過慰飢渴迭相陳語言曾未厭
刀俎自中將過哺留飯具麓糲薄酒繼以斟不覺
寒日沒愚妻方罷沐供飲愧倉卒凍婢昧煎和親

調首忘髯每食各驚顧誰謂不黔突倦僕暖吾薪
飢馬飽吾秣馬無歸嘶聲僕有顏色活安穩不知
疲明缸仍爲撥醉言實無次曾未窮本末諸君竟
相先出口論莫奪復云天地間此能有幾達我聞
顏汗下恐後謗難遏其間常有言但未見疵獻終
當輕有若悔目已屢眊莫八反信哉群玉林豈得依朽
枿吾心爲之然收舌如斷割寄音謝豪俊茲蘊只
圭撮

和道損喜雪

密雪已迎臘隨風來拂巾偏知寒夜屋不管醉歸

人暗積空庭合偷裝衆樹新沃田將望歲駭癘且
忘貧薄厚曾無意飄揚似有因既能先覆物乃見
未饒春作陣從天落何功得地均暫欣供一賞惜
逐馬蹄塵

答持國遺魴魚皮膾

海魚沙玉皮翦膾金虀醖遠持享佳賓豈用飾寶
劍予貧食幾稀君愛則已泛終當飯葵藿此味不
爲欠

與仲文子華陪觀新水碓

湖壩此興磴許俗見仍稀
激射聊因勢回環豈息
機水如崑下過人悟雪中歸
坐想韓夫子心應不
道非

與道損仲文子華陪泛西湖

冰消湖已綠渺渺鴨頭春
舩學吳兒刺吟稀楚老
新對山憐去鳥隔樹識遊人
誰念滄江上風柔採
白蘋

和持國石蘚

石根雲常蒸老蘚密於毯
濕翠連澗陰淨綠繞出
坎不異泉上芹半茸猶可掣
安知山中客遠寄趣

已淡

同諸韓飲曼叔家

富貴豐盤食日可脩清角不與賢者俱飽食何所
學吾友雖日貧邀賓不辭數贊衣為酒肴出論輕
管樂其饒精且其力尤
意頗確羸馬雪中歸醉醒誰復較

和仲文西湖野步至新堰二首

泱泱堰根水層層湖上田
寒魚猶著底白鷺已飛
前履惜春泥滑衣從遊
蔓草偶來成野望歸興自
留連

潭上水容暖野中寒吹橫行塘人已晚吟步日難
更凍地坊枯龜斷冰流破鏡王都且不遠樂此林
泉性

送韓奉禮

將欲侍親去獨要予贈言世風還自有文體不須
論猶愛春波急微生野岸艱行舟寧覺遠幾日到
都門
諸韓來會別
諸韓行有日別思更依依獨歎從予少還看似子
稀呼童聊奏酒洒水為開扉蘇合染衣美雪中聞

闔歸

送仲文

三年不出戶孝行閭井聞近俗遂知化豈非由所
薰御琴趨國門何必長守墳美哉若君子忠可移
於君

送子華

識君雖恨晚說詩屢解頤吾徒固難合所合終不
移冒寒躍馬來且言行有期河上冰始坼輕棹去
未遲

送仲連

別緒如亂絲欲理還不可却悲嬌女詩寧戀更効
左是時遠道懷紛紛上歸舸憐君正如此豈任風
雨倭

送玉汝

談笑去拘忌乃見相與深風騷得往返但見非知
音明日車馬北豈不動離襟春風靡蕪綠別恨生
遙岑

玉汝遺橄欖

南國青青果涉冬知始摘雖咀澁難任竟當甘莫
敵來從萬里外或以苦口擲所投同木瓜欲報無

瓊壁

和王待制出郊馬上口占寄兄損道次韻
日暖寒郊不起風使君車騎出城中遙知望處思
兄弟鴻鴈連連下遠空

寄題蘇子美滄浪亭

聞買滄浪水遂作滄浪人置亭滄浪上日與滄浪
親宜曰滄浪叟老向滄浪濱滄浪何處是洞庭相
與鄰竹樹種已合魚蟹時可緡春羹芼白菘夏鼎
烹紫萸黃柑摘霜晚香稻炊玉新行吟招隱詩懶
戴醉中巾憂患兩都忘還往誰與頻昨得滁陽書

語彼事頗真曩子初去國我勉勿迷津四方不可
之中土百物淳今子居所樂豈不遠埃塵被髮異
秦伯結客非春申莫與吳俗尚吳俗多文身蛟龍
刺兩股未變此遺民讀書本爲道不計賤與貧當
須化問里庶使禮義臻

送河東轉運劉察院

塞郡屯師久飛芻始得人權傾擁旄將詔輟繡衣
臣舊里過京洛辭家渡盟津紫裘蘇合染驄馬玉
環辰榆莢關頭雨梨花谷口春高車方陟險豐膳
暫違親山勢北臨岱地雄西隔秦行臺知不遠能

使問安頻

依韻和王汝對月見懷西軒

坐見沙頭月復怜衣上輝正如從我飲還欲照君
歸相逐影徒是共嗟歡已非夜深依岸落寒色入
傷違

依韻和王汝舟中見懷

遙聞出舟望始愛川原廣春冰未破時旋拉寒篙
響鳴鴈似相隨遠日聊一仰能知狀物工把筆獨
見想

同道損持國訪孔叅處士

高盧當大道節士不肯過窮巷獨秉德車馬一何
多勢力走諛諂禮義服委佗是以被褐人長甘北
山阿曰今豈有愧漁上有行歌

二月十四夜霜

欣欣東園杏忽值春飛霜粲然彼繁英萎若出沸
湯既能與之榮而復使之傷向來肅殺時已共百
卉黃今同草吐心不似草心長天理固難測誰要
必其常

送謝師直南陽上墳

躍馬清明前行將拜孤壠松吹送悲聲緣纓淚如

湧三歲宰南方奠竿阻親捧山下獨徘徊雨來雲
翳翳

奉和持國曼叔方叔送師直歸馬上同賦
之什

郊外桃李花赤赤復白白為君歌古曲行子在南
陌衆人各已歸春風送無跡安知春風送到處花
當客我病出獨難併請春風適此情無遠近千里
不能隔

和韓子華寄東華市玉版鮓

客從都下來遠遺東華鮓荷香開新包玉臠識舊

把色絮已可珍味佳寧獨捨莫問魚與龍予非博
物者

喜雨

冬涉春無雨侵晨忽霽然燕魚知社後雷未發聲
前細濕林花暗輕霑土脉全看看一百五風勢莫
狂顛

送王判官之江陰軍懷

易知

往時初渡江頗愛江南美誰知坐卧間思及煙波
裏絮逐魴魚繁鼓添蕤線紫君行語風物到日應
相似

送王龍圖源叔之襄陽

忽驚車騎臨乃是荆州長登堂語出處陳事猶夢
想別逾二十年相遇今始兩爵位異禮數齒髮可
下上但問我何有而獨不愛曩敢告守拙愚此道
未嘗枉行當至峴山羊公存廟像簫鼓有時莫道
德其可仰

依韻和持國新植西軒

開地臨廣衢崇崇十餘畝新軒稍偏北治圃亦西
酉盎中植菡萏水不過升斗小桂未得地驗活徒
插朽上之幽禽啼下多穴蟻走藥苗雖無補欲比

山中有澆灌同一時萌芽或先後松株不滿尺廊
廟色已厚稟性久且堅物理豈無偶椽櫓仍未大
散葉纔八九夏綠與冬青各各自為友吾軒還處
西脩竹爾後取兩莫論是非但可吟對酒

送師直之會稽宰

其兄在餘姚

天下風物佳莫出吳與越新罷吳官來又隨越舸
發連宰吳越間皆邇蛟鼉窟伯氏復同郡邑境接
民堡寧將內隔外正似肉附骨姚江遺魚蟹稽山
奉筍蕨足得相交歡高堂未華髮送子意不盡念
逐有明月

西湖觀新出我鳥兒道損持國曼叔請予賦之
春菹畏雷後殼開形已完嫩毛輕染蘖小掌未全
丹見物初能噉浮波尚怕寒山陰無道士更長換
應難

宛陵先生文集卷第二十九

宛陵先生文集卷第二十九

賦

送李密學亳州

和徐密學見懷

哭尹師魯

宛陵先生文集目錄卷第三十

送李密學亳州

和徐密學見懷

哭尹師魯

荅持國示詩

送庭老歸河陽

和仲儀楸花

送韓太祝求醫

持國遺食

同道損遊西湖

送樊秀才歸安州

觀理蔬

泛舟和持國

送李轉運移京東

詠雙杏

目昏

賦紅雀

捫虱得蚤

送上虞孫簿

寄題金州處陰亭

石榴

七夕

同諸韓晚遊西湖

韓玉汝遺澄心紙

和仲儀麝香

和凌霄花

聞玉汝宿城北

夢過三陵

詠扇

送曼叔襄城尉

送吳給事移淮西

李密學寄亳州棗

九月五日夢永叔

尉氏南至京水及人脛

宋平叔郊外見迓

裴如晦赴河陽幕

送子華拜掃

送玉汝宰錢塘

得曾鞏附永叔書

追詠崔氏小園

宋中道快予生女

詠次道宅櫻櫚

詠秤

詠象子華邀賦

和荅惠勤上人

荅顯忠上人

送韓仲文奉使

送劉司勳奉使

和永叔秋懷見寄

同玉汝謁裴如晦

詠黃木芙蓉

二馬

和許發運詠影

寄題衢州萃賢亭

荅楚僧智普

和鴨雛

有觀

目錄終

自

...

...

...

...

...

...

...

...

...

宛陵先生文集卷第三十

送李密學赴亳州

倦輸關內粟遂請穎川符治績可稱最士民將以
蘇譙都君命重苦縣祖風殊仙檜留陰在甘棠即
化敷行舟通遠水候騎溢長衢他日人懷望煙雲
自滿湖

送樊秀才歸安州

開元有謫仙酒隱向安陸子嘗慕其人文字不拘
束月下每醉吟落紙輒數幅今當安陸歸白酒村
中熟一名猶未成雙親淚盈目切莫苦銜盃無心

不擇祿去去煙水間野禽嗥古木聞聲不得名將
投山舍宿此趣自可嘉非如走塵轂

依韻李密學合流河口見懷

二水交流抱閭井清潭幾曲自淵回已浮畫舸遙
遙去更憂雙鷺泛泛來

觀理蔬

野薺不堪食蕪菁今正肥夏畦人所病老圃方可
窺乳雀爭啣蝶鳴鶉各護兒於陵豈復有空學桔
槔為

哭尹師魯

謫死古來有無如君甚寃文章不世用器業欲誰
論野鳥災王傳招辭些屈原平生洛陽友零落幾
人存

泛舟和持國

綠源去未窮交岸樹濛濛弱蔓低侵水殘芳不隱
叢浣衣思越婦折筍擬江童薄暮迴舫處潭魚動
鏡中

欲晚訪韓持國忽道損見過不克往持國

示詩因答

西雲沉日脚命僕駕我車我車已在庭有客方詣

廬談笑不覺夕雞黍且煩渠重約勿以怪但當摘
園蔬

送京西轉運李刑部移京東轉運 鉞

列藩環王都遂分東西道統制連別京守臣多碩
老外臺持權綱才具必美好公今且更踐入用頗
不早乃令山東粟餉饋歲可保古路趨汶陽長風
吹綠草

送李庭老歸河陽

五月馳乘車歸心豈畏暑道上多清陰日中不暍
處函谷自控帶大河無險阻時平獨往還拜壽觴

屢舉

詠雙杏子其核亦然

子核成雙杏將寄同心人定棲鴛鴦為物豈無
因

和王仲儀楸花十二韻

春陽發草木美好一同時桃李雜山櫻紅白開繁
枝楸英獨步媚淡紫相參差大葉與勁幹簇萼密
自宜圖出帝宮樹聳向白玉墀高絕不近俗直許
天人窺今植郡庭中根遠未可移但欣東風來不
恨和駒遲山禽勿感踏蜂蝶休掇之昔聞韓吏部

為爾作好詩愛陰無織穿就影東西隨公今亦牽
此端坐曾莫疑

目昏

我目忽病昏白晝若逢霧窺驚隻物雙書輒下筆
誤來人鬢鬢是飛鳥朦朧度紜紜孰辨別此已忘
好惡

送韓八太祝歸京師求醫

少年絜而腴茸茸頷有鬢冒熱跨馬去去去天王
都借問去何謂就醫將疾驅客曰實誑我健壯其
非夫敢告固不給但怪所見愚瘠者未必病病者

不必癯天馬不着肉日走萬里途山熊豈無膏養
體唯恐痛滯結在於內安得形肌膚厥貌雖美好
厥疾勿須更療之欲其漸熾之非愛軀此行不飲
別安得持酒壺

記春水多紅雀傳云自新羅而至道損得
之請余賦

赤羽異蒿鷄來自東夷國群集成臯間翩翩皆一
色舉臆發朱砂為瑞應火德穿屋彼非類啄粟慙
與食清聲殊啁啾所畜每陋逼應當放之去重展
萬里翼

持國遺食

乞食非為貧妻病妾且死晨爨不爨釜朝飯亦輟
匕遺我我所恤食我我所耻我耻曾我求我恤寧
我止應之豈在豐赴義實未鄙漂母殊下鄉為惠
得終始

捫虱得蚤

茲日頗所愜捫虱反得蚤去惡雖未殊快意乃為
好物敗誰可必鈍老而狡夫穴蟻不嚙人其命常
自保

同道損世則元輔游西湖於卞氏借雙鶴

以觀

塘蒲蔭綠水菡萏艷脩渚想像華亭野但欠鳴鶴
侶同來三四人趣尚頗相與思見此清禽無能覲
翔羽城隅有大第世本官吳楚嘗同太湖石不惜
持金取欲作園林勝園林寧暇覩今當問其家借
賞無吾拒果亦致之來奮毛如喜舞雖生滄海心
翅重不得舉還爾稻梁貪崇丘在何所

送上虞孫主簿

稽山參雲深刻水與天碧行將啼鳥親翫不游鱗
隔況世住新安又嘗為粵客風物知所諳窮幽梯

翠壁

寄題金州孫御史處陰亭

有形則有影畏影當念形日月難久晦處陰乃暫
停光照不復離疾走何所寧當是謂尼父我輩烏
忍聽結廬雖可託夜燭亦熒熒直躬觀罔兩將此
同醉醒

石榴

榴枝若多雨過熟圻已半秋雷石罌破曉日丹砂
爛任從離俎薦豈待霜刀判張騫西使時筠醬同
歸漢

七夕

古來傳織女七夕渡明河巧意世爭乞神光誰見
過隔年期已拙舊俗驗方訛五色金盤果蜘蛛浪
作窠

同諸韓及孫曼叔晚遊西湖三首

晚日城頭落輕鞍菓下涼野蜂嚼水沫舟子剥菱
黃木老識秋氣徑幽聞草香幅巾聊去檢不作楚
人狂

爍電未成雨涼風先入衣青天忽開影紅日尚餘
暉蛺蝶作團起蜻蜒相戴飛嘲謔不覺夕跨馬月

中歸

舟中演滿意不淺却坐林塘景欲昏翠色蜻蜒立
菱蕤青絲驪泉林城根

韓玉汝遺澄心紙二軸初得此物歐陽永叔又得於宋次道又得於君伯氏子華今則四矣

三得澄心紙吾嘗再有詩粗能條本末不復語興衰堪入右軍跡慙無幼婦辭君家兄弟意將此比烏然

和王仲儀二首

麝香

游伏栢林下食栢遂生香空知噬臍患豈有周身防赤豹以尾死猛虎以睛喪儻或益於用捐軀是其常

凌霄花

草木不解行隨生自有理觀此引蔓柔必憑高樹起氣類固未合縈纏豈由已仰見蒼虬枝上發彤霞藻層霄不易凌樵斧誰家子一日摧作薪此物當其委

七月二十一夜聞韓玉汝宿城北馬鋪

暗樹秋風擺葉鳴
桃枝竹簟冷逾清
孤燈淡淡短
亭客半夜蕭蕭聞雨聲

夢過三陵

夢過漢陵聞秋風
石馬閑當年侍臣
淚泣盡向三
山木不凋

詠扇

翦紈成薄質誰將擬月輪
閔竭夏后德同我天王
仁及至為時用豈必美畫人
何憂秋風來退藏保
其真

送曼叔襄城尉

昔君乘紫騮來獵荒城下
復乘紫騮去不逢亭長
罵溪風欲涉時山雪獨歸夜
此趣信所諳羈官莫
悲吒

送吳給事自許昌移淮西

直道昔參輔獨將天下憂
忠言悟明主退請拜諸
侯坐閣政方舉移藩心
所求蔡人迎且喜許俗
憂難留夾路車徒盛分
壇禾黍秋穆陵無夜閉
仁化自公修

亳州李密學寄御棗一籃

沛譙有鉅棗味甘蜜相差
其赤如君心其大如王

瓜嘗貢趨國門豈及貧儒家今見待士意下異盧
仝茶食之無馱飲詠德曾未涯

自公九月五日夢歐陽永叔

朝鏡惡白髮夕夢對故人常恨道路隔忽喜顏色
親相笑勿問年青銅早傷神雞喙天欲白向者猶
疑真音

自尉氏南至京皆水及人脛

陸行畏水深舟行畏水淺河流去時閣涂潦歸時
踐事與時相違我慙行處蹇人生莫為客為客此
安免

九月十六日自許昌迴至京師胥平叔宋
中道迂于郊外

今日至國門二子來迎我適遇信陵塚塚棘秋葉
墮翩翩隨人飛拂馬右或左謂此獨無情亦與吾
意可

裴如晦赴河陽幕

嘍風一夜動作雪欲愁客客莫苦嗟行農望明年
麥方來笑語同又是閔河隔主人賢且智不待子
所畫

送韓子華十月拜掃

白露已變霜孝心竟悲惻薦衣如念存拜罷不遑息
帶劔蓬池外兼程困馬力禮畢便當還於誠乃為得

送韓六玉汝宰錢塘

子嘗訪林
遊湖上

頃尋高士廬正值浸湖雪雪中千萬峯參差縣前
列僧居或隱見岸樹隨曲折驚見如避人遠向寒
煙滅潛希為子男儻得遂踈拙今逾二十年志願
徒切切方聞落君手與我曾未別景多詩莫窮歸
載駝車轍

得曾鞏秀才所附滁州歐陽永叔書答意

客從淮上來往問故人信袖銜藤紙書題字遠已
認既喜聞其封固覺減吾吝新詩不作寄乃見子
所慎向來能如今豈有得觀豐南方歲苦熱生蝗
復饑饉憂心日自勞霜髮應滿鬢知予欲東歸曉
夕目不瞬貧難久待之薄祿藉露潤雖為委吏冗
亦自甘以進相望未得親終朝如抱疾

追詠崔奉禮小園

前此訪君時已觀堂宇邃安知中屏開自有幽林
致花零崑桂紅石擘雲根翠正當秋風來不見搖
落意日得吟其間何須去為吏

宋中道快我生女

爾嘗喜諛予生女竟勿怪今遂如爾口是宜為爾
快亦既以言酬固且殊眦睚慰情何必男茲語當
自戒

詠宋中道宅櫻櫚

青青櫻櫚樹散葉如車輪擁攘交紫髯歲剝豈非
仁用以覆雕輿何憚尅厥身今植公侯第愛惜知
幾春完之固不長只與齋本均幸當勅園吏披割
見日新是能去窘束始得物理親

詠秤

聖人防爭心衡權為之設後世失其平有星徒爾
列物物尚可欺銖銖不須別將淳天下民安得必
毀折

詠象韓子華邀賦

軀大力無用遠物賞馴柔食芻與飲水百倍於馬
牛猶能絡金羈不可伏車輶蒼舒曾智秤千鈞空
豎舟

依韻答惠勤上人

釋子本樂靜宜不事物牽我慙姑蘇守復賞村山
然三歲與之別其學已增前忽此有來贈老拙謬
耽研

卷三十一
八
答顯忠上人

驅馬傍馳道歸自許西偏高車非舊貴立避槐樹
邊心雖欲往謁僕餒行不前是甘處窮巷晨笑微
生煙儻有好事者扣門與留連或出袖中詩語熟
氣頗全曾不類緇褐始可令勉旃京師百許寺知
幾相差肩

送韓仲文奉使

往使兗奴國持節豈辭遙朔北正苦寒風汝與雪
飄燕山何處是漢銘應已銷前車渡冰河後騎鳴
金鑣行行至穹廬尊我不敢囂玉爵親獻酬名裘

進狐貂禮成復命日苑柳舒楊條

送劉司勳奉使

授命出絕域北至單于庭馳鳴沙磧遙馬倦朔雪
零幽州古道上胡笳應夜聽嘗聞昔時語南看北
辰星使回儻可記乃得驗天形

依韻和歐陽永叔秋懷擬孟郊體見寄二首

我居西北地秋無東南風木脫不塞望高臺空九
重音塵安可得鴻鴈鳴霜中日看紫苔生乃見三
經窮一聞離騷篇寫盡楚客曾曾懷如寶匣夜夜
吼生銅

秋思公何高堆積自崿崿出為悲秋辭萬仞見孤
聳念我老於詩我髮實種種而後傷故人故人多
作塚陰風夜木嘒窸窣聞鬼悚獨我忘形骸百事
乃纖冗不眠霜月上霜月如可捧

裴如晦自河陽至同韓玉汝謁之

朝聞單騎歸徑走至其第扣門童僕頑拒我色甚
戾不顧遂登堂有馬堂下繫辨詐大呼卿稍應西
屋際逡巡冠帶出青綬何曳曳有似縮殼龜藏頭
非得計況與二三子交分久已締怨爾避客尤新
還復新婚

詠王宗說園黃木芙蓉

水中兼木末相擬有嘉花玉蕊染圻蒸粟金房落
晚霞涉江從楚女采菊聽陶家事與離騷異吾將
塞以誇

二馬

舊馬十年跨老劣多緩行新駒三萬錢頗愛舉蹄
輕不使異芻秣均養存其情君門趨早朝風勁力
已生

依韻和發運許主客詠影

峇影陶潛興長吟為我聽與之相遇日曾不異於

形動靜隨生趣存藏委曜靈莊周疾走意推本
置諸銘

寄題周源貞外衢州萃賢亭

昨朝江南客語子川亭上有時飛雨來不見前山
青卉萼人未識鳥響日可聽既將遲賢者無使童
僕局

答楚僧智普始與吳僧顯忠來過今見二
人詩進於舊夫

我初見子時子作楚人語復與吳客來音俱變齊
魯乃知久處益薰猶可同舉更當富於學茲言

聊以補

鴨雛

春鴨日浮波羽冷難伏卵嘗因雛抱時託以雛窠
暖三旬殼既坼乳毛寒脰短雛寧辨其雛翅擁情
欸欸一日向水涯所稟殊未斷泛然去中流雛呼
心憲憲人之苟異懷負義不足算有志在養毓勿
論報德限

有觀十一月七日

來恨我馬遲去恨我馬疾馬蹄塵作雲已隔粲然
質時時顧且遙亂緒如有失

宛陵先生文集卷第三十

宛陵先生文集目錄卷第三十一

杜挺之贈端硯
謝冲卿示持國詩卷

重修孔子廟記
席中賦葡萄

夜聽鄰家唱
和次道金橘

送韓持國歸許昌
送韓持國

遲月
風笛

霜鍾
鳴琴

和光道屏中六鶴
聞子華見訪

送丹陽宰李國博
食齋

甘陵亂
夜飲席上賦松子

送李殿丞歸河陽 送王寺丞歸南京

李審言學士遺金波酒

對雪憶訪林逋 元日朝

荅祖擇之遺墨 對殘雪懷永叔

和中道元夕 寄題碧雲堂

李國博遺薑茗 送臨江胥令

寄題滁州醉翁亭 夜夢

賜緋魚 和荅韓子華餉子魚

和荅韓奉禮餉荔枝 張氏納婦

酌別謝判官兼懷永叔 京師延慶曆八年春
盡夏五月楚州道中

和永叔聞百舌 送陶太博廣信倅

荅王太祝卷 雨賦

送張太博袁州倅 和宋中道夜雨

書裴如晦集後 見胥平叔

宣麻 朧月

兵 泥

聞韓仲文使歸 未晴

夜陰 夜晴

古鑑 橐駝

庭老許遺結絲勒帛

貧

行僧

目錄終

宛陵先生文集卷第三十一

杜挺之贈端溪圓硯

雪壓古寺深中有臥病客訪之語久清飢馬齧庭
 栢按頭蠻溪硯其狀若圓璧指此欲為贈而將助
 吟席非意予敢貪既拒頗不懌大出楮中有素許當
 自擇強持慰勤心婦以示朋戚哂曰豈其然為汲
 寒泉滌滌彼偽飾物紙乾見頑石清晨走髯奴無
 厭願求易拜賜遂如初明月懷吞蝕微分鸚目瑩
 尚漬墨花碧詞答謂我愚悔復料已逆明日未央
 朝執手笑啞啞

吳冲卿示和韓持國詩一卷輒以為謝

葉公所好者孰已識頭角一日真物來駭汗沛且
渥我初見韓子蜿蜒噴雷雹子復蛟龍文氣象不
可捉畏懷但驚顧得與前事較

新息重修孔子廟記

新息古邑也自漢以來幾因亂而孔子之廟歲享
不絕于今雖邑宰有賢否祀典繫國家也儻不賢
屋隳不葺有矣祀其廢諸慶曆七年清河張君伸
為是邑始勤於治民謹於條約恪於事上既而民
信訟且簡乃脩孔子祠及祭器子未知君之果學

而學之而果知道耶以斯舉則君似有本者學者未
必信奉如之嗚呼孔子之道與天地久與日月昭
一郡一邑之廟不足以光顯厥德報厥功也略究
為郡邑之人少誦其書長就其藝遂得其祿忍負
不為一出口之勞完其廟至使瓦墮簷風雨壞桶
甃缺階塵昏像犬豕穴墻垣往來其間哉新之無
是患庶幾賢已然則苟因為利廣爾官俾不肖有
說非予望於君也况邑隸蔡守吳公輔臣大儒名
重天下聞君能是得不樂耶子思昔忝邑時見邑
多不本朝廷祭法往往用巫祝於傍曰牛馬其肥

癘疫其銷殺麥其豐瀆悖為甚予即革之君觀有
若是者當改為以從著式云

范景仁席中賦葡萄

朱盤何纍纍紫乳封霜厚今為馬谷繁昔釀梁州
酒乃知西土珍漢使傳應久

夜聽鄰家唱

夜中未成寐鄰歌聞所稀想像朱脣動髮鬢梁塵
飛悞節應偷笑竊聽起披衣披衣曲已終窻月存
餘暉

宋次道得廣南金橘為餉且有詩因和酬

越橘如金丸爛然已盈篋誰傳嶺外信尚帶霜前
葉莫嫌道路遠得與樽俎接主人無吝心懷歸子
敢輒

李廷老席上送韓持國歸許昌

得早字

馬蹄踐霜華遊客歸何早重裘不畏寒况復非遠
道誰言未顧期登第髮如葆解裝喜可知月下金
壺倒

送韓持國

曰子非才敏乃與世寡游三四洛陽友過半已成
丘晚節五六人文行皆潔修韓氏棣萼盛於我為

薰猶君比衆最篤我唱君非酬昔我竹軒下破窻
風颭颭君時不厭過逍遙談未休頗為俗士憎恬
不防吝尤邇來我還都君亦辭舊州舊州君所隱
安得此夕留雪晴命駕歸使我生悲愁誰見漢水
上定更不驚鷗

遲月

遲月月已上清光在高木未能照我庭團團隔東屋

風笛

既殊出塞聲還非江上聽夜吹送悠揚高樓月方
迴

霜鍾

青向寒溪臥遠寺撞白雲今也趨早朝殘月馬上
聞

鳴琴

雖傳古人聲不識古人意古人今已遠悲哉廣陵
思

和曹光道詠直廬屏中六鶴

漢家為瑞雙黃鶴只道飛翻太液池不似雲屏六
畫鶴帝宮深處有人知

晚歸聞韓子華見訪

門外多車騎後迹亂前蹤誰識此來過塵蹄重復
重端有野僕言恨不故人逢豈無肴酒設所向乖
所從未能一往見懶拙其必容

送丹陽新守李國博歸洪州 寬

蔡水冬不枯唯愁夜水結歸舫及暖下窮臘未飛
雪淮潁地漸偏川上雲常泄幾日接春波南風楚
江徹拜親懷郡章予慕嗟才劣

食齋

世羞食齋貧食齋我所甘適見採齋人自出國門
南土蠹瘦鐵刀霜亂青竹篋携持入凍地挑以根

葉參羊龜不自飽食此尚可慙肥羔朱尾魚腥羶徒
爾貪

甘陵亂

甘陵兵亂百物灰火光屬天聲如雷雷聲三日屋
瓦摧殺人不問嬰與孩守官迸走歲浮埃後日稍
稍官軍來圍城幾匝如重鉤萬甲雪色停皚皚孰
敢專輒但取栽黃土始堅難速頽

夜飲席上賦松子

風松有霜子吹落幽人庭幽人畏狼籍日掃出巖
扃誰將稱遠物乃信涉滄溟

送李審言殿丞歸河陽

大河冬令時上可馳車馬
歸子從橋安黃流在冰
下况命使於家其美世為寡
是宜飭以行慰此懷
慕者

送王宗說寺丞歸南京

晏歲欲飛雪滿天含凍雲
犯寒單騎速獵吹紫裘
薰庭鵲還先喜池鴻去始聞
公應問貧賤善說莫
如君

李審言將歸河陽值雪遺金波酒

朔吹卷天吼遠郊無鳥飛
忽驚開戶白昨夜打窻
微聞巷我方懶關山君獨
歸翻能寄醇酎為此解
寒威

對雪憶往歲錢塘西湖訪林逋三首

昔乘野艇向湖上泊岸去
尋高士初折竹壓籬曾
礙過却穿松下到茅廬

旋燒枯栗衣猶濕去愛峯
前有徑開日暮更寒歸
欲懶無端撩亂入船來

樵童野犬迎人後山葛棠
梨案酒時不畏尖風吹
入牖更教床畔覓鷓夷

元日朝

萬國諸侯振玉珂踏雲朝會雪初過欲聞鳳管天
邊度數聽雞人樓上歌放仗旌旗方偃亞迴頭宮
闕更嵯峨謬陪王屬曾何補泛泛慙同上下波
答祖擇之遺新羅墨

海上老松死霹靂燒瘦龍胡人犀皮膠團煤煙膏
濃色奪陽為翅來涉溟渤重君獲乃為贈我謬蟲
鳥蹤且作異土玩不愧西域節

對殘雪懷歐陽永叔

窮臘一尺雪跨春氣逾嚴童僕苦病瘵庭戶無與
杳日消夜復凍霰積泥相醜懶出獨懷遠何由寄

江帆

寄題時上人碧雲堂

望望佳人來未來雲已暮當時千里恨不獨看雲
散何此蒼虛堂定知吟秀句還會古人心古人作
詩賦

和宋中道元夕二首

結山當衢面九門華燈滿國月半昏春泥踏盡游
人繁鳴蹕下天歌吹喧深坊靜曲走車轅爭前闕
盛亡卑尊覲粧廉服何柔溫交觀互視各吐吞磨
有一過難久存眼尾獲笑迷精魂貂裘比比王侯

孫夜闌鞍馬相馳奔

春風來解吹殘雪燈燭迎陽萬戶燃竟看繁星在
平地不妨明月滿中天赭袍已向端門御仙曲初
聞法部傳車馬不閑通曙色康莊時見拾珠鈿

李國博遺浙薑建茗

吳薑漬吳糟越茗苞越蕻咀辛聊案盃啜味可奴
酪但拜故人貺何言為物薄我心易厭足不比填
窮壑

送臨江胥令

初從桃源還却向竟陵去今作中州官山水不曾

飲且當傳竹枝莫學子乘籃輿雲木杜鵑啼千崑響
行處

寄題涿州醉翁亭

琅琊谷口泉分流漾山翠使君愛泉清每來泉上
醉醉纓濯潺湲醉吟異憔悴日暮使君歸野老紛
紛至但留山鳥啼與伴松間吹借問結廬何使君
游息地借問醉者何使君閑適意借問鑄者何使
君自為記使君能若此吾詩不言刺

戊子正月二十六日夜夢

自我再婚來二年不入夢昨宵見顏色中夕生悲

痛暗燈露微明寐寐照梁棟無端打窓雪更被狂
風送

賜緋魚

蹉跎四十七腰間始懸魚茜袍雖可貴髮短齒已
疎兒女眼未識競來牽人裾不知外朝衆君恩慙
有餘

和答韓子華餉子魚

南方海物難具名子魚珍美無與并完鱗全乙異
臭腥素盪清曝生花輕其頭戢戢筠篋盈出自通
印時所評遠涉川陸來都城親賓交遺已見情食

拍嘗動吾竊驚果獲異味亦足明

和答韓奉禮餉荔枝

韓盛人所希四海饋名物韓復未踈予分珍曾不
一莆陽荔子乾皺殼紅釘密存甘尚可嘉本味固
已失遙思海樹繁帶露摘初日安得穆王駿能置
萬里疾

閏正月二日夜張氏納婦 太素子

婚姻貴及時周有標梅詩雪後花將發人歸室且
宜坐中傳漏鼓戶外轉星旗環佩遙聞出當脩廟
見儀

酌別謝通微判官兼懷歐陽永叔

識君童稚時而今君齒壯不見二十年顏貌已非
向親戚多零落欲語還悲愴更問平生交久從滁
水上君又滁水歸寄音傾柱釀儻復二十年吾馬
保無恙

和永叔郡齋聞百舌

響舌能令百鳥羞聽時丹杏發山郵春雲不定雨
來急濕翅蒼茫高樹頭

送陶太傅通判廣信軍

平時易水頭不復起邊愁壯士去來久寒波空自

流臨塘遺鷺羽隔戍見羶裘半似江南美軍和贖
宴游

答王太祝卷整

朝迴泥塗不可出飢馬倦僕驅之頑閉門獨與古
人語黃卷未終聞扣關賢哉公族自來顧詩袖大
篇令我刪珠光玉瑩絕瑕類強欲指擿徒羞顏自
同培塿最淺狹安得與子論丘山

雨賦

春雨之至兮風呵而雲導在上為膏在塗為淖被
末漸本潤萬物者歎施及天下不收報者歎

而隨流因積而成潦專好而失道者歟壞瓦
蒸菌出木過而為酷者歟朝使人愁夜使鬼哭迷
而不知復者歟將告之雨雨無聽也將告之天天
且復也窮居知命是何病也噫

送張太博通判袁州

君非身尤謫南州南方尚鬼其俗媮蛇為鄰虎為
陬丹茅苦竹深幽幽邑人祠鬼拜古樹竹杯一仰
來烹牛牛死齧懼常不幸誰得禁止專鋤鉤借曰
未信君且往民將語怪君聽不仰山頭有行舟

依韻和宋中道兩夜

暗驚料峭寒春雪兼春雨知勝早朝人閑眠不開
戶丘壑豈無容泥塗還自取誰吟何遜詩不覺逢
逢鼓

讀裴如晦萬里集書其後

君自萬里迴遂成萬里集其詩二百篇文字必已
立定應侔前人未嘗有蹈襲古溪蠻鐵刀出塚土
花澁誰將飾以玉鐔上光熠熠宋子序其端精悍
孰鉗繫搜新造空蒙俗眼不得入示予要賦之短
戈慙後執

見胥平林

歷君門兮九重雲黝黝兮欲雨隱翠幕兮觀
眷眷兮不語

宣麻

彬美下一國會無相印酬莫驚除拜峻自是戰功
優壯士頗知勇諸儒方貴謀淮西封亦薄裴度死
生羞

隴月

夜晴初見月雲薄未分明高樹尚無影遠鴻時有
聲下階嫌履濕閉戶認苔生寂寂墻陰暝更長已
漸傾

兵

太平無戰陣漢卒久生驕金甲不曾擐犀弓應自
調嗟為燎原火終作覆巢巢若使威刑立三軍豈
敢竄

泥

一夜添春雨中衢長舊泥履粘憂折齒馬滑畏顛
蹄去啄從江鶴相呼任竹雞朝來放朝請始與逸
人齊

聞韓仲文使婦

傳道使車迴柳條黃未開曉寒非絕漠春在

臺名馬北方至賓鴻南國來明朝齋被昇
稱才

未晴

未晴初止雨蒸潤尚侵衣缺月如羞出荒雲不有
歸杏花朱欲綻梅萼雪將稀遠鴈來何急衝風濕
翅飛

夜陰

月色明還暗雲寒散復濃古堂移颯颯積霧合蛟
龍濕菌飛螢出蒼苔上朽重獨吟嗟向老氣遊覺
偏慵

夜晴

新晴月正明頻聽夜鳥驚未向高枝穩時為繞樹
聲群飛自紛泊衆鳥不屏營躁靜於焉見誰能度
物情

古鑑

古鑑得荒塚土花全未磨背菱尖尚在阜巔
訛月暗蝦蟇蝕塵昏魍魎過但令光彩發表香
山河

橐駝

鳴駝出西域銜尾自連連漢驛凌雲去胡人

牽常時識風候過磧辨沙泉老覺肉封側猶
帕鮮

李庭老許遺結絲勒帛

紉絲作長帶正勝茱萸紋冉冉仍垂緋
綵綵薰鮮華非稱我修飾未如君曾不日來取賢
禮云

貧

生甘類原憲死不學陶朱但樂詩書在未憂鍾鼎
無恥隨波上下難免鬼歔歔陋巷曲肱者終朝還
似愚

行僧

風衣何揭揭有若瓠葉翻塵土不遠去白雲藏石
門

卷五十一

七

國子監藏書

